


LUTWADUSU

 Matondo na nge, Mpangi Williams. Mbote, Mpangi Salano mpe kento ya yandi, mpe bimonikisi nyonso awa na mukembo yayi ya nene na nkokila yayi. Ya kele kieleka bweso ya nene na kuvwanda awa. Mu vwandaka vingila ngunga yayi kubanda ntangu yina beto bandaka na kukwisa.

² Mpe mu—mu zola kutonda mama yina, mu lenda ve kubanza nkumbu ya yandi, Billy tubaka na munu, ti yandi pesaka munu bwati ya babon-bon ya Nowele, mpe yandi nataka yawu na ditoma mwa ntangu fyoti me luta. Mpangi-kento, mu lenda banza ve na nkumbu ya yandi, yandi me katuka awa na Californie. Yina vwandaka dikabu ya munu ya ntete ya Nowele. Na yawu mu—mu ke tonda beno samu na yawu.

³ Ntangu yayi, na nkokila yayi ya kele. . . Ntangu yayi na Tucson ya kele ngunga ya yivwa ya mpimpa na minuti kumi, kasi mu banza ti ya kele kaka ngunga yivwa ya mpimpa na baminuti kumi awa. Na yina beto. . . Mu banza ti bantu zaba munu, mutindu longi yina ke lembaka ve, na yawu mu—mu banza. . . [Dibuundu me bula maboko—Mu.] Matondo na beno. Mutindu. . . bantu ya mbote na kati awa. Mu ke tonda beno.

⁴ Kasi mu ke—mu ke longa kaka mwa fyoti, na kutala, na nkokila yayi, Mu vwandaka kubaka ntangu mingi ve na—na Shreveport mpe kusabuka bisika nyonso na yinsi (samu na kukwisa tii na kisika yayi) nkokila na manima ya nkokila, mpe beno ke ningana mwa—mwa fyoti, beno zaba, mpe beno ke kuzwa madidi, mpe laka ya beno ke kangama. Mu bandaka kuna na Shreveport. Mu zimbisaka bansuki ya munu ntangu mu vwandaka. . . mwa bamvula fyoti me luta. Mpe mu vwandaka na mwa postiche yina mu ke lwataka ntangu mu ke longaka na yinsi ya node, samu na kukeba na kuzwa madidi. Mu kwendaka na Shreveport mpe zimbanaka yawu, mpe ya kieleka mu kuzwaka madidi. Bitemo yayi ya mipepe ke kwisa na beno mutindu yina, kieleka beno zaba ve. Mu me zimbisa bansuki ya munu na kintulumukina, mpusu kele diaka na lembami, mpe kaka kana mu me kuzwa ndukutila fioti mpe mu me kuzwa yawu kieleka na kati ya laka; mu fwanaka kufiotuna balukutakanu. Na yina laka ya munu me kangama fioti na nkokila yayi.

⁵ Beto zola kutuba ti beto me kuzwa ntangu mosi ya mbote ya kuzyeta na kukwisaka awa, ata ti, na balukutakanu. Mazono na nkokila beto kuzwaka ntangu mosi ya mbote kuna na. . . na bampangi, kuna, na lukutakanu yina yankaka. Na yina bantu mingi kwisaka mpe nkonga ya bantu vwandaka mbote mingi, bantu vwandaka na luzitu mingi mpe na lutondo mingi. Na yina ya ke sala ti mu kuwa mbote mingi na kuvwanda mosi ya

Bantu ya Mumbongo ya Nsangu ya mbote ya Muvimba. Ya me vwanda . . .

⁶ Mu kele na Nsangu, mu ke kuwa, na Nzambi. Ya kele mwa ngitukulu samu na bantu yankaka. Mpe mu lenda dyaka ve kusadisa na kuvwandaka . . . Mu fwana vwanda kaka yina mu kele. Mpe beto . . . Mu zola ve kuvwanda ya kuswaswana, ya kele kaka ti mu—mu ke na kuzinga na ntangu ya kusoba. Beto kele . . .

⁷ Ntangu nyonso yina beno ke na kutunga kibaka na nzila mosi ya kusungama, ya kele nyonso mbote, bitungi bayinzo lenda kutula babiliki mosi na zulu na yankaka. Kasi ntangu beno fwana baluka na nsongi, ya kele kisika ntangu . . . Mpe beto ke na kutunga ve kibaka; beto ke na kutunga yinzo, beno me mona, na yina bakubaluka-baluka yayi fwana kwisa. Bawu kwizaka na nsungi ya Martin Luther, John Wesley, mpe nsungi ya Pantekote; ya kele dyaka awa. Na yina beto . . . ya kele mpasi na kubaluka na bansongi. Kasi mu ke vutula matondo mingi samu . . . na Nzambi, ata ti ya vwandaka ngolo mingi, bantu pesaka mvutu nkama mosi na zulu ya nkama mosi. Na yina beto ke vutula matondo mingi, beto ke tonda mosi na mosi ya beno.

Mpe ntangu yayi ntete beto zibula Buku, beto zonza na Musoniki, kana beno zola, kaka mwa ntangu fyoti, na yina beto ke kulumusa bayintu ya beto:

⁸ Nzambi ya luzolo, beto ke vutula matondo na Nge na nkokila yayi samu na ntangu ya mbote ya kuzaba Yesu Klisto (Mvulusi ya beto) Mwana ya Nge ya bakala, na lemvo ya ofelé ya masumu ya beto, mpe kuzaba ti Menga ya Yandi kele ya kulunga yina me fika masumu ya beto nyonso mpe masumu ya beto ya nkú. Ba me vwanza yawu mingi mpe ba me tula yawu na mubu ya kuzimbana ya Nzambi mpe Kento ya Yandi ya makwela ke telama na Kudya ya Makwela, ya kuvedila, yina ba vukisaka ve na kima yankaka, na kukwelana na Mwana ya Nzambi. Wapi mutindu beto ke tonda Nge samu na yina kele nyonso ya kulunga mpe lukwikilu na kuzaba ti beto ke tula kivuvu ve na balenda ya beto mosi kasi na lenda ya Yandi mosi, samu na yina Yandi salaka samu na beto. Beto ke vutula matondo mingi.

⁹ Matondo na Nge samu na lunungu yina bampangi yayi kuzwaka na bayinsi ya nzenza mpe bayinsi kuna kisika bawu kele na nsatu mpe mpwila ya Nzambi. Mu ke sambila, Mfumu, ti kana bawu vutuka dyaka, ti bana yina ba nataka na Kimfumu ke vwanda nkooko ya nkooko ya kento mpe bankooko ya bana yina ba ke longaka mpe. Pesa yawu, Tata.

¹⁰ Sakumuna beto kintwadi, na nkokila yayi, mpe bika ti Mpeve-Santu kupesa beto bima yina beto ke na yawu nsatu. Kanga yinwa ya beto na bima yina beto zolaka tuba ve, mpe zibula bantima ya beto na kuzwa yina Nge ke tuba na beto. Pesa yawu, Tata. Na Nkumbu ya Yesu beto ke sambila. Amen.

¹¹ Ntangu yayi beto baka Biblia na mwa dilongi yina mu ke zola kuzonzila na mwa ntangu fyoti na nkokila yayi, mpe ya kele kuna na Santu Marc, kapu 10.

¹² Mpe mu vwandaka . . . Mwa bamvula fioti me luta ntangu mu vwandaka zonza, mu zolaka—mu zolaka ve kusonika noti mosi, mu zolaka bambukila yawu moyo. Mpe mu vwandaka ve na maneti samu na kutanga yawu na Biblia. Kasi kubanda ntangu mu me luta makumi zole na tanu ntangu yayi, bambala zole, mpe na mpasi mingi samu na munu na—na kusala mutindu mu vwanda salaka. Mpe ya kele mutindu ditoma ya kimbambala kasi mu ke kaka na kunataka. Uh-huh, mu zolaka kulandila na kusala teuf-teuf tii kuna . . . mu ke kwenda kuvwanda na zulu ya kikunku ya bisengo ya ntama samu na kuvwanda ya kunyenga dyaka. Ya kele nsilulu.

¹³ Santu Luc, kapu 10, mpe bandaka na . . . Mu banza ti mu tubaka nzila ya 21, kana mu lenda mona yawu awa kisika mosi. Mu me zimbana, ya kele Santu Marc. Beno lemvokila munu.

¹⁴ Santu Marc, kapu ya 10, mpe makumi zole na . . . kubanda na nzila ya 21, mu zola kutanga. Beto baka nzila ya 17, na kisika:

Mpe ntangu yandi kotaka na nzila, bakala mosi kwisaka mbangu, mpe fukamaka na ntuala ya yandi, mpe yufulaka yandi, na kutubaka, Mulongi ya mbote, yinki mu ke sala ti mu kuzwa lusingu ya kukonda nsuka?

Mpe Yesu tubaka na yandi, Samu na yinki nge ke bokila munu muntu ya mbote? ya kele ve na muntu ya mbote kasi mosi, mpe ya kele, Nzambi.

Nge zaba misiku, Kusala pité ve, Kufwa muntu ve, Kuyiba ve, Kupesa kimbangi ya luvunu ve, Kusala yimbi na muntu ve, Zitisa tata mpe mama ya nge.

Mpe yandi pesaka mvutu mpe tubaka na yandi, Mulongi, nyonso yayi mu ke zitisaka yawu kubanda buntwenya ya munu.

Na yina yandi tubaka . . . Na yina Yesu talaka yandi mpe zolaka yandi, mpe tubaka na yandi, nge ke kondwa Kima mosi: kwenda, mpe teka nyonso yina kele ya nge, mpe, pesa na bamputu, mpe nge ke kuzwa bimvwama na mazulu: mpe kwisa, mpe baka kulunsi ya nge, mpe landa munu.

Mpe kumaka na kyadi samu na ndinga yina, mpe yandi kwendaka na mawa: samu yandi vwandaka na bima mingi.

Mpe bika ti Mfumu kusakumuna ntangulu ya Ndinga ya Yandi.

¹⁵ Ntangu yayi, beto ke zonzila na nkokila yayi na zulu ya dilongi mosi. Mu zola ti dibanza ya dilongi ya munu kuvwanda “Landa Munu,” mpe dilongi ya munu: *Lutwadusu*.

¹⁶ Ntangu yayi ke yitukisa, kasi mu banzaka ti mu banza, bubu yayi na kusambilaka . . . Mpe mu me vwanda ntangu mingi, mpe konso nkokila kaka na yisi ya nzila ya Nsangu yina munu me kuzwa, ti Mfumu me pesa munu na kuzonza. Mu banzaka na nkokila yayi, kuna na kapu yayi ya malu-malu, mu ke zonzila yawu landila mutindu yankaka. Mpe bambala mingi beto zonzilaka na yayi, beto bokilaka yawu, “Mfumu ya Ntwenya ya Mvwama.” Mpe—mpe mingi ya milongi awa, bampangi ya munu, kukondwa ntembe me belama na yawu na mifindu mingi ya luswaswanu. Mpe mu zola meka na kutubila yawu na mutindu ya luswaswanu na nkokila yayi kulutula yina mu me salaka ntete ve, na yayi ya *Lutwadusu*.

¹⁷ Yayi, beno bambuka moyo na yayi, ti mosi na mosi ya beto, bantwenya mpe biboba, dikulu ya beno ya ntete yina beno me salaka ntete na luzingu ya beno, muntu mosi zolaka kutwadisa beno. Ya kele kieleka. Mpe kitambi ya beno ya nsuka beno ke salaka, muntu mosi ke twadisa beno. Muntu mosi fwana twadisa beno.

¹⁸ Nzambi me fwanikisa beto na mameme. Mpe kana muntu mosi zaba yina kele kusansa dimeme mpe nkadulu ya dimeme, na yina, beno zaba ti dimeme lenda ve kumona nzila ya yandi mosi. Yandi ke vwanda ya kutwadisa. Ata mpe na kati ya ba-abattoir, beto ke mona ti bawu ke nata dimeme kuna mpe ba ke nata yandi na abattoir na nkombo. Nkombo ke twadisaka yandi, na yina ntangu yandi ke kuma na nsuka ya yinzo yandi ke dumuka, mpe dimeme ke kwendaka kaka na abattoir. Na yawu bawu. . . Beto ke mona ti dimeme lenda ve kumona nzila ya yandi mosi.

¹⁹ Mu ke bambuka moyo na nzingulu yina mu kuzwaka na mosi, kilumbu mosi. Mu vwandaka mukengi ya mfinda na Indiana, mpe mu vwandaka kuna na bilanga ya kumwangisa nsangu; mpe mu kuwaka kima mosi, kuboka ya kulutula mawa. Mpe ya vwandaka mwana-dimeme ya fioti, yina—yina zimbisaka mama ya yandi. Mpe yandi lendaka ve kumona nzila ya yandi na yandi, mpe mama lendaka ve kumona nzila ya yandi na—na mwana-dimeme ya fioti. Mu lokotaka mwana yango ya bakala, mpe wapi mutindu yandi vwandaka swi. Mu kwendaka kuna, maboko ya munu vwandaka simba mwa kibulu yango. Mpe vwandaka dila, mpe—mpe mu kuwaka yandi. Wapi mutindu yandi bendaka kaka mwa yintu ya yandi na zulu ya munu mpe ya monanaka ti yandi zabaka ti mu—mu—mu zolaka sadisa yandi.

²⁰ Mu banzaka, “O Ditadi ya Bansungi, ya pasukaka samu na munu, me nanguna munu na maboko ya Mfumu Yesu, mu ke sepela kaka mutindu mu zaba ti mu ke—mu ke kwenda na Yinzo samu na kuvwanda na bankundi ya munu ya luzolo.” Mu

banzaka, “Na nsuka ya nzyetolo ya luzingu ya munu, nata munu kaka na maboko ya Nge, Mfumu, mutindu yina. Ti mu zaba ti ba ke nata munu na simu yankaka ya nzadi kuna, kuna na simu yankaka kisika wapi ya ke vwanda ve ata kyadi mpe bimbevo, mpe nyonso, mpe mu ke vwanda na bankundi ya luzolo yina mu ke zolaka.”

²¹ Mpe kana beno ke longuka yinza, ya kele na kima ya nene na yinza. Nyonso yina mu—yina mu ke talaka, mpe Nzambi me sala, Yandi kele Mfumu ya yinza. Yinza ke tambulaka ntangu nyonso. Yinza nyonso ke tambulaka na kutala na mutindu mosi. Beno tala, nyonso. . . Mutindu mu me tuba, mu banza mazono na nkokila, ti “Yinza ke pesa kimbangi ya Nzambi.” Kana beno me kuzwaka ntete ve Biblia, beno lenda dyaka kutala mbote yinza mpe kuzaba ti Biblia yayi kele Kieleka.

²² Mu—mu kuzwaka bweso ya kuvwanda bisika nyonso mpe bisika nyonso na yinza. Mpe mu me tanga bitini ya luswaswanu, mpe mu me monaka bansambulu ya mutindu na mutindu; ba-Musulman, mpe mu me tangaka Koran, mpe—mpe monaka ba-Sikhs, ba-Jains, mpe ba-Musulman, mpe ba-Bouddha, mpe yinki dyaka. Kasi dyaka, mosi na mosi ya bawu, bawu kele na philosophie mpe buku ya credo mpe buku ya misiku, mpe nyonso yankaka yina. Kasi Biblia ya beto kele Kieleka, mpe Nzambi ya beto kele kaka Mosi yina kele ya kusungama; samu ti mosi na mosi ya bawu fwana talisa na ntoni kisika mosi kisika mubandisi ya bawu kele kaka ya kulala, kasi Buklisto ke lakisa ntoni ya kuzibuka mpe lenda zinga na Mvwandulu ya Yandi yina ba tulaka na kati kuna. Yandi kele moyo! Ya kele ve Nzambi yina *vwandaka*, Ya kele Nzambi yina *kele*. Ve “*Mu vwandaka*” to “*Mu ke vwanda*,” kasi “MU KELE.”

²³ Mpe yinza nyonso ke tambulaka na kulandilaka, mutindu mu tubaka, na kuzonzilaka na zulu ya Bansungi ya beto ya Dibuundu (yina beto kele na babuku ntangu yayi yina ke na kubasika). . . . Samu na yinki mu. . . . samu na kusonika ya munu ya Bansungi ya Dibuundu. Mpe mutindu ti beto ke mona Dibuundu, mutindu Yawu me yela, me belama kaka kieleka mutindu yinza nyonso ke salaka.

²⁴ Mpe beto vwandaka zonzila kilumbu yankaka yina na yina me tala mutindu mwini ke basikaka na suka, ya kele mwa bébé, ya kulemba mingi, ngolo mingi ve samu na yandi ata fioti. Mpe na yina kilumbu ke landila, ya ke kuma ngolo mingi, ngolo mingi. Pene ya ngunga nana ya ke kota na lukolo, mutindu ntwenya ya bakala to ntwenya ya kento. Mpe na yina pene ya ngunga kumi na mosi ya me basika na lukolo, mpe ya me kubama samu na kisalu ya yandi—ya yandi. Mpe na manima na ntuala tii pene ya ngunga tatu ya ke soba, na luzingu ya kati-kati na nsungi ya ntama. Mpe na manima kufwa na manima ya midi. Ya kele nsuka ya mwini? Ve. Ya ke vutuka suka yina ke landa, samu na kupesa

kimbangi ti ya kele na luzingu, lufwa, luzikulu, mvumbukulu. Beno me mona? Beno me mona?

²⁵ Beto ke talaka bayinti, mutindu bawu ke tambulaka mpe yina bawu ke salaka. Mu vwandaka na mwa ntangu fioti me luta kuna na Kentucky, mu—mu ke zolaka kuzomba bampadi, mpe mu kwendaka kuna na automne ya mvula yina kuna samu na kuzomba bampadi na nkundi ya munu. Mpe ya kele . . . ya me kuyuma mingi.

²⁶ Muntu nionso yina me zombaka bampadi ya tinta ya kunzuluka, zaba wapi mutindu ya kele mpasi na kukanga bawu. Ntangu, makasa, beno panza kaka mosi, mpe, oh, Houdini kele kaka muntu yina zaba kosalu mbote mutindu artiste ya fioti samu na kukima na kizizi na—na bibulu yayi, mutindu bawu lendaka kukima! Mpe na yina ntangu beno ke meka na kusimba disu samu na kubula na kitamina ya bakilometele makumi tanu, beno fwana kuzomba samu na kuzwa lutangu ya kulunga na kilumbu mosi.

²⁷ Na yawu, Tata Wood, nkundi ya munu, Mbangi ya Yehowa yina balulaka ntima, vwandaka na munu. Mpe beto . . . Yandi tubaka, “Mu zaba ferme mosi na lweka awa kisika ya kele na bakala yina kele na mingi ya . . .” Beto ke bokilaka bawu kuna, “ba-vallon.”

²⁸ Bantu yikwa zaba yinki mwa *kiwanda* kele? Mbote, wapi kitini ya Kentucky nge me katuka, na mutindu nionso? Beno me mona? Mpe ya kele kisika yina mu me katuka.

²⁹ Mutindu awa na mosi ya makapu, ntama mingi ve; mu fwana tuba yayi na Mpangi Williams mpe bayankaka, bampangi. Bawu tubaka, “Beto ke telama ntangu yayi mpe beto ke yimbila mukunga—mukunga ya yinsi.”

³⁰ Mpe mu tubaka, “Samu na yinsi ya munu ya Kentucky ya ntama, kuna . . .” Muntu mosi ve me vukana na munu, na yina . . . Yina vwandaka kaka nkunga mu zabaka. Mpe na yina beto vwandaka—beto vwandaka ntangu yayi . . .

³¹ Mbote mingi, tata. [Ba me pesa Mpangi Branham note—Mu.] “Lemvo ya nge sambila, samu na mama mosi awa ntangu yayi ke na kubasisa menga na mbombo.”

Beto sambila:

³² Nzambi ya luzolo, mu ke lomba Nge, Mfumu, Nge kele Munganga ya nene mpe mu ke lomba ti lemvo ya Nge mpe kyadi ya Nge kusimba kento yayi ya luzolo kaka ntangu yayi mpe kusukisa menga yina. Mutindu bantu yina ke kwikilaka kuvukanaka kintwadi, mama yango me kwiza awa samu na kusepela na Ndinga ya Mfumu mpe kubundana na bantu, mpe mu ke lomba Nge, Mfumu, kaka ntangu yayi, samu na kusemba mbeni mpe kusukisa menga. Na Nkumbu ya Yesu Klisto. Amen. (Mpe beto ke kwikila yawu, beto ke kwikila yawu.)

33 Beto landila mwa disolo ya beto kaka samu na kumeka fioti kubula ya ntima ntete beto kota kaka na mwa banoti yina mu sonikaka awa, mpe mwa Masonuku.

34 Ntangu yayi yandi tubaka, “Mbote, kiboba yayi ya bakala, beto ke kwenda kuna mpe ke mona yandi. Yandi kele na bavallon mingi na kisika ya yandi,” yandi tubaka, “kasi yandi kele mumpani.” Yandi tubaka, “Kana . . . Yandi zolaka singa beto kana beto kwenda kuna.”

35 Mu tubaka, “Kasi beto ke na kuzwa ve bampadi awa. Beto kele na basabala zole kubanda ya camping.” Mpe beto vwandaka mvindu, mpe mandefo ya beto nionso na zulu ya kizizi.

36 Mpe yandi tubaka, “Mbote?”

Mu tubaka, “Beto kwenda kuna.”

37 Na yina beto kwendaka na mwa bakilometele ntama mingi, pene ya bakilometele makumi tatu. Mu vwandaka na yinsi kuna ntete mbala mosi, na bankokila tatu, na campement mosi ya ba-Methodiste wapi kisika ya vwandaka na bima ya nene yina Mfumu salaka, mpe lukutakanu ya kubeluka ya nzutu na kati-kati ya bantu ya ba-Methodiste. Mpe na ntangu beto kwendaka ntama mingi na kulutaka na miongo mpe mwa biwanda mpe bandandani ya myongo. Mpe beno fwana zaba kaka Kentucky samu na kuzaba yawu, wapi mutindu ya kisika beno fwana kusabuka kuna. Mpe na ntangu yina beto vutukaka kuna beto kwendaka na yinzo, mpe ya vwandaka na bakala mosi ya kiboba, babakala zole ya biboba, yina vwandaka ya kuvwanda kuna na bayimpu ya bawu ya ntama yina vwandaka kubwa na kizizi ya bawu, mpe—mpe yandi tubaka, “Yandi yayi,” yandi tubaka, “yandi kele na kimbevo ya ngolo.” Yandi tubaka, “Yandi ke yinaka ndinga yina ya ‘mulongi,’” yandi tubaka.

38 Na yawu mu tubaka, “Mbote, mu ke sala mbote na kuvwanda na kati ya ditoma, to beto ke zola kuzomba ata fyoti ve.” Mu tubaka, “Nge kwenda kuna mpe beno yufula yandi kana beto lenda kuzomba.”

39 Na yawu yandi basikaka mpe bandaka na kutambula, yandi zonzaka na bawu. Mpe na Kentucky, ntangu nyonso, beno zaba, ya kele “kota kuna,” mpe nyonso yina. Mpe na yawu yandi kwendaka kuna mpe yandi tubaka, “Mu vwanda kukiufula kaka kana beto lendaka zomba mwa ntangu fyoti na kisika ya nge.”

40 Kiboba ya bakala yina vwandaka ya kuvwanda kuna, pene ya bamvula makumi sambwadi na tanu, tabaka vwandaka kulumuka na yinwa ya yandi, yandi tubaka . . . losaka mate, mpe yandi tubaka, “Yinki kele nkumbu ya nge?”

Yandi tubaka, “Nkumbu ya munu kele Wood.”

Yandi tubaka, “Nge kele muntu ya dikanda ya kiboba ya muntu yayi Jim yina vwanda zingaka . . .”

Yandi tubaka, “Yinga, mu kele mwana ya bakala ya Jim.”
Yandi tubaka, “Mu kele Banks. Yinga.”

41 “Mbote,” yandi tubaka, “kiboba ya bakala yayi Jim vwandaka muntu ya kieleka.” Yandi tubaka, “Ya kieleka, kukisadisa nge mosi.” Yandi tubaka—tubaka, “Nge kele nge mosi?”

Yandi tubaka, “Ve, pasteur ya munu kele kuna.”

Yandi tubaka, “Yinki?”

Yandi tubaka, “Pasteur ya munu kele kuna na kati ya ditoma,” yandi tubaka, “yandi ke na kuzombaka na munu.”

42 Yandi tubaka, “Wood, nge zola tuba ve ti nge kele na yisi mingi tii nge fwana nata mulongi na nge kisika nyonso nge ke kwenda?”

43 Na yawu yandi kele muntu ya ngolo, ya nkadulu ya ntama, na yawu mu banzaka ti mu ke sala mbote na kubasika na ditoma, beno zaba. Na yawu mu basikaka mpe belamaka, mpe yandi tubaka, “Mbote, mpe nge kele mulongi, huh?”

44 Mu tubaka, “Yinga, tata.” Yandi talaka munu na zulu mpe na yisi; menga ya mpadi, mpe ya mvindu. Yandi tubaka—yandi tubaka. . . Mu tubaka, “Ya ke monana ve mutindu yina.”

45 Yandi tubaka, “Mbote, mu ke zolaka mutindu yina.” Yandi tubaka, “Nge zaba, mu zola tuba na nge kima mosi.” Yandi tubaka, “Mu zolaka vwanda mumpani ve!”

46 Mu tubaka, “Yinga, tata, mu bakulaka yawu.” Mu tubaka, “Mu banza ve ti ya kele mingi samu na matalana, ata mutindu yina. Beno?”

47 Mpe yandi tubaka, “Mbote,” yandi tubaka, “Mu zaba ve.” Yandi tubaka, “Mu ke tuba na nge yina mu ke banza na beno bantu.”

Mu tubaka, “Mbote mingi.”

48 Yandi tubaka, “Nge ke na kunganaka na ntwala ya yinti ya yimbi.” Mpe bantu yikwa zaba yinki ya zola kutuba? Beno me mona? Ya zola kutuba ti ya ke yimbwa yina kele na kuvunaka, beno me mona; ba-raton laveur kele ve kuna na zulu, beno me mona. Yandi tubaka, “Nge ke na kunganaka na ntwala ya yinti ya yimbi.”

Mu tubaka, “Ya kele dyambu ya dibanza.”

49 Mpe yandi tubaka, “Mbote,” yandi tubaka, “tala, nge ke mona cheminée yina ya ntama kuna?”

“Yinga.”

50 “Mu butukaka kuna, bamvula makumi sambwadi na tanu me luta.” Mpe yandi tubaka, “Mu me zinga awa na myongo yayi, bisika nyonso, na kati ya bamvula nyonso yayi.” Mpe yandi tubaka, “Mu me tala na mazulu, mu me tala awa mpe kuna, mpe,

ya kieleka, na bamvula makumi sambwadi na tanu yayi nionso, mu zolaka mona kima yina ke monana mutindu Nzambi. Beno me banza mutindu yina ve?”

51 Mu tubaka, “Mbote, ya me tala na yina nge ke na kutala, beno me mona, to yina nge ke na kusosa.”

52 Mpe yandi tubaka, “Mbote,” yandi tubaka, “Kieleka mu—mu ke kwikila ve ti ya kele na kivangu ya mutindu yina. Mpe mu ke kwikila ti beno bantu yankaka nyonso kaka beno ke salaka kele kuyiba bantu mbongo ya bawu mpe nyonso. Mpe ya kele mutindu yina ya ke salama.”

53 Mu tubaka, “Mbote, nge kele muntu ya yinsi ya Amerika, nge kele na muswa ya kubanza na mutindu ya nge mosi—mosi.”

54 Yandi tubaka, “Ya kele na muntu mosi, kilumbu mosi, yina mu kuwaka,” yandi tubaka, “ti mu ke kwikila . . . Kana yandi . . . Kana mu lendaka solula na muntu yina,” yandi tubaka “Mu ke zola ku—kuyufula yandi mwa bakyuvu fioti.”

Mu tubaka, “Yinga, tata.”

55 Yandi tubaka, “Ya vwandaka mulongi, beno lendaka zaba yandi.” Yandi tubaka, “Yandi vwandaka na lukutakanu awa na Campbellsville, ntama mingi ve, na lupangu ya dibuundu mosi kuna, na terrain ya camping.” Mpe yandi tubaka, “Mu me zimbana nkumbu ya yandi.” Yandi tubaka, “Yandi me katuka na Indiana.”

Mpe—mpe mu tubaka, “Oh? Yinga, tata.”

56 Mpe Mpangi Wood bandaka na kutuba, “Mbote, mu . . .” (“Kutuba yawu ve.”) Mpe na yina yandi tubaka . . .

Mu tubaka, “Wapi mutindu samu na yandi?”

57 Yandi tubaka, “Mbote,” yandi tubaka, “mama ya kiboba . . .” (muntu mosi) “kuna na zulu ya mongo . . .” Yandi tubaka, “Nge zaba, yandi vwandaka ke kufwa na cancer.” Mpe yandi tubaka, “Kento ya munu na munu ke mata kuna na suka mosi samu—samu na kusoba mbeto ya yandi.” Yandi tubaka, “Ba lendaka ve kutelemisa yandi na zulu mingi samu na kutula yandi na zulu ya po ya bambevo,” yandi tubaka, “ba zolaka benda kaka dala ya mbeto.” Mpe yandi tubaka, “Yandi vwanda ke kufwa. Yandi vwandaka na Louisville, mpe yandi tubaka ti badokotolo bikaka yandi mpe yandi tubaka ti yandi ke ‘kufwa.’

58 “Mpe mpangi ya yandi ya kento kwendaka na lukutakanu yina, mpe tubaka, ‘Mulongi yina vwandaka ya kutelama kuna na estrade, yandi balukaka samu na kutala nkonga ya bantu mpe bokilaka kento yayi na nkumbu ya yandi, mpe tubaka na yandi, ‘Ntangu yandi kwendaka, yandi bakaka muswale mpe tulaka yawu na saki ya yandi ya diboko.’” Mpe bokilaka nkumbu ya kento yayi na yisi awa, vwandaka kuzinga bakilometele makumi sambanu awa, mpe yandi tubaka wapi mutindu yandi vwandaka bela na cancer, nkumbu ya yandi vwandaka, mpe na nyonso yina

yandi vwandaka lutila; yandi tubaka, “Baka muswale yina mpe kwenda tula yawu na zulu ya kento yina,” mpe yandi tubaka ti “kento yina ke beluka na cancer ya yandi.””

⁵⁹ Mpe yandi tubaka, “Bawu kwisaka awa na nkokila yina.” Yandi tubaka, “Ya kieleka, mu kuwaka kuboka mosi ya ngolo mingi kuna na zulu. Mu banzaka ti bawu vwandaka me yambula Armée du Salut yina ba me zibula na zulu ya mongo kuna. Yandi tubaka, ‘Mbote,’ mu tubaka, ‘Mu banza ti mpangi ya kento me kufwa.’ Yandi tubaka, ‘Beto ke . . . Mbasi beto ke kwenda mpe ke baka wagon, mpe wapi mutindu beto ke nata yandi na kukwenda na nzila ya nene,’ mpe yandi tubaka, ‘samu ti bawu nata yandi na entrepreneur ya ba-pompe funebre.’ Mpe yandi tubaka ti . . . Beto vingilaka. Beto vwandaka ve na nsatu ya kumata na ntangu yina ya mpimpa.” Yandi tubaka, “Ya kele pene ya kilomètre mosi na zulu ya mongo awa.” Yandi tubaka, “Beto kwendaka kuna na suka yina vwandaka landa, mpe nge zaba yinki kusalamaka?”

Mu tubaka, “Ve, tata.”

⁶⁰ Yandi tubaka, “Yandi vwandaka ya kuvwanda kuna vwandaka kudya pomme ya kukalinga, mpe vwandaka kunwa kafe, na bakala ya yandi.”

Mu tubaka, “Nge zola kutuba yawu?”

Yandi tubaka, “Yinga, tata.”

“Oh!” Mu tubaka. “Ntangu yayi, tata, ya kieleka nge zola tuba mutindu yina ve.”

⁶¹ Yandi tubaka, “Yinki ke kwamisa munu kele yina . . . wapi mutindu muntu yina, mpe ata mbala mosi ve na yinsi yayi, mpe zabaka yawu.” Beno me mona?

Mpe mu tubaka, “Oh, nge ke kwikila yawu ve.”

Yandi tubaka, “Ya kele kieleka.”

Mu tubaka, “Nge ke kwikila yawu?” Beno me mona?

⁶² Yandi—yandi tubaka, “Mbote, mata kuna na zulu ya mongo, mu lenda talisa yawu na nge.” Yandi ke na kulongaka munu ntangu yayi, beno me mona.

⁶³ Na yawu mu—mu tubaka, “Um-um.” Mu lokotaka pomme, mpe—mpe mu tubaka, “Mu lenda kuzwa mosi ya ba-pomme yayi?” Mpe mu pakulaka yawu na bilele ya munu.

⁶⁴ Yandi tubaka, “Mbote, ya kele mamvweta ke na kudia yawu, mu banza ti nge lenda kuzwa mosi.” Mpe na yina . . . Mpe ntangu yayi mu tubaka, “Mbote, . . .” Mu—mu ke tatika . . . ndambu ya yawu, mpe mu tubaka, “Ya kele pomme ya mbote.”

⁶⁵ Yandi tubaka, “Oh, yinga.” Yandi tubaka, “Nge zaba yinki? Mu kunaka yinti yina kuna, oh, bamvula makumi yiya me luta, to kima mosi ya mutindu yina.”

Mu tubaka, “Oh, ya kele kieleka?”

“Yinga, tata.”

66 Mpe mu tubaka, “Mbote, mpe konso mvula . . .” Mu tubaka, “Mu ke tala ti beto me kuzwa ntete ve galasi, ya kele Ngonda ya nana.” Mpe mu tubaka, “Matiti yina ke katukaka na bayinti.”

67 “Yinga, tata. Ya kele kieleka, ya ke na kubwa. Kwikila ti beto ke kuzwa mosi ya ntete na ntangu yayi.”

68 Mu tubaka, “Yinga, tata.” Mu sobaka dilongi, beno me mona. Mpe yandi tubaka . . . Mu tubaka, “Mbote, nge zaba, ya kele ngitukulu,” mu tubaka, “wapi mutindu masa ya yinti yina ke basikaka na yinti yina.” Mu tubaka, “Mpe matiti yina ke kubwaka, mpe kasi ya kele ve . . . ba—ba vwandaka ve na galasi samu na kufwa dikasa.”

69 Mpe yandi tubaka, “Mbote,” yandi tubaka, “yinki ya fwana sala na yina beto ke na kutuba?”

70 Mpe mu tubaka, “Mbote, mu—mu ke kukiyufula kaka.” (Beno zaba, mama ntangu nyonso ke tubaka, “Pesa ngombe ya kento nsinga mpe yandi ke kangama kaka mpe ke kukikanga yawu mosi, beno zaba.” Na yina mu vwandaka pesa yandi kaka nsinga mingi.)

71 Na yawu yandi basikaka, mpe yandi tubaka, “Mbote, yinga, yinki ya fwana sala na yawu?”

72 Mu tubaka, “Beno zaba, Nzambi ke basisaka ba-pomme yina, mpe beno ke sepela na ba-pomme yina mpe makasa yina, mpe beno ke vwanda na—na kivudi mpe nyonso yina. Ya ke kulumuka na kubwa ya automne mpe,” mu tubaka, “ke mata dyaka na ba-pomme mpe na makasa dyaka.”

73 Mpe yandi tubaka, “Oh, ya kele kaka nkadulu. Beno me mona, ya kele kaka yinza.”

74 Mu tubaka, “Mbote, ya kieleka, yina kele yinza.” Mu tubaka, “Yina kele yinza, kasi Muntu mosi fwana yala yinza.” Beno me mona, mu . . . yandi tubaka . . . “Nge tuba na munu ntangu yayi yinki ya ke sala?”

75 Mpe yandi tubaka, “Mbote, ya kele kaka—kaka landila yinza.”

76 Mu tubaka, “Nani ya kele yina ke tubaka na mwa dititi yina ntangu yayi, mpe . . .?” Mu tubaka, “Ntangu yayi, ya kele samu na yina dikasa yina ke kubwaka, ya kele samu ti maza ya yinti ke kwendaka na yisi ya nsimbulu. Mpe yinki ke salama kana masa ya yinti yina vwandaka na zulu ya yinti na nsungi ya hiver? Yinki ke salama?”

77 Yandi tubaka, “Ya ke kufwa yinti.”

78 “Mbote,” mu tubaka, “ntangu yayi, yinki mayele yina ke kulumusa masa ya yinti na bansimbulu, yandi tubaka, ‘Basika awa ntangu yayi, automne ke na kwisa na mvula yayi, kulumuka na bansimbulu mpe bumbama?’ Mpe ke bikana na kati ya

bansimbulu mutindu ntoni; mpe na manima printemps yina ke landa ke vutuka dyaka, ke basisa ba-pomme mingi, mpe ke basisa matiti mingi mpe nyonso.”

⁷⁹ Yandi tubaka, “Ya kele kaka yinza, ya ke sala yawu.” Yandi tubaka, “Ntangu! Nsobolo, beno zaba, automne ke kwiza.”

⁸⁰ Mu tubaka, “Tula kantini ya maza na zulu ya dikunzi kuna, mpe beno tala kana yinza ke kulumusa yawu na yisi ya dikunzi mpe ke matisa yawu dyaka. Beno me mona?” Beno me mona?

“Mbote,” yandi tubaka, “nge lenda kuzwa kima mosi.”

Mu tubaka, “Beno banza na yawu na ntangu beto ke na kuzomba.”

Mpe yandi tubaka, “Mbote,” mpe yandi tubaka, “beno zomba kisika beno zola.”

⁸¹ Mpe mu tubaka, “Ntangu mu ke vutuka, kana nge tuba na munu yinki mayele ke tambula na masa ya yinti yina na yinti yango na yisi ya bansimbulu, kubikana kuna hiver nyonso mpe kuvutuka kuzomba hiver yina ke landa, Mu ke tuba na beno ti ya kele Mayele mosi yina tubaka na munu samu na kento yina kuna na zulu.”

Yandi tubaka, “Mu me tuba na nge?”

Mu tubaka, “Yinga, tata.”

Yandi tubaka, “Nge kele mulongi yina ve!”

Mu tubaka, “Nge ke zaba nkumbu ya yandi?”

Yandi tubaka, “Yinga.”

Mu tubaka, “Branham?”

Yandi tubaka, “Ya kele yandi.”

Mu tubaka, “Ya—ya kele kieleka.” Beno me mona?

⁸² Mpe beno zaba yinki? Mu twadisaka kiboba ya bakala na Klisto, kaka kuna na kimbangi ya yandi mosi.

⁸³ Mpe mvula mosi na manima mu vutukaka kuna mpe mu kotaka na ditoma (yina vwandaka na plake ya Indiana) na kati ya lupangu. Bawu basikaka kuna, yandi kufwaka. Mpe na yawu ntangu mu vutukaka, kento ya yandi telamaka kieleka samu na kuvweza munu; mu banzaka ti mu vwandaka na muswa ya kuzomba. Mpe yandi kwisaka pene-pene kuna, yandi tubaka, “Nge lenda tanga ve?”

⁸⁴ Mu tubaka, “Yinga, mama.”

Yandi tubaka, “Nge me mona bidimbu yina ke na kutuba ‘Kuzomba ve!’?”

⁸⁵ Mu tubaka, “Yinga, mama, kasi,” mu tubaka, “Mu—mu kele na muswa.”

⁸⁶ “Nge kele ve na muswa!” yandi tubaka. Mpe yandi tubaka, “Beto me kuzwa kisika yayi—kisika ya kuvwanda bamvula mingi.”

⁸⁷ Mu tubaka, “Mbote, mpangi ya kento, mu—mu vwandaka na foti ntangu yayi, lemvokila munu.”

⁸⁸ Mpe yandi tubaka, “Beno lemvokila munu ke sala kima mosi ve! Ba-licence na Indiana yina vwandaka kuna, mpe beno vwanda awa, beno kele bantu ya matalana mingi!”

Mu tubaka, “Mu lendaka kaka kutendula yawu?” Mu tubaka. . .

Yandi, “Nani me pesa nge muswa?”

⁸⁹ Mu tubaka, “Mu zaba kaka ve. . .” Mu tubaka, “Ya vwandaka bakala mosi ya kukula yina vwandaka kuna na velanda, ntangu mu vwandaka awa na mvula me luta, mpe beto vwandaka zonzila na zulu ya Nzambi.” Beno me mona?

Mpe yandi talaka, yandi tubaka, “Nge kele Mpangi Branham?”

Mpe mu tubaka, “Yinga, mama.”

⁹⁰ Yandi tubaka, “Lemvokila munu. Mu zabaka ve nani nge vwandaka.” Yandi tubaka, “Mu zola kutuba na nge kimbangi ya yandi. Bangunga ya yandi ya nsuka ntete yandi kufwa, yandi telemisaka maboko ya yandi mpe kembisaka Nzambi.” Yandi tubaka, “Yandi kufwaka na kati ya lukwikilu ya Buklisto, mpe ba nataka yandi na Nzambi.” Beno me mona?

⁹¹ “Kana bawu vwanda swi, matadi ke boka na nswalu nionso.” Ya kele na kima mosi na yinza.

⁹² Beno tala bandeke, beno tala mbote bibulu, beno tala mbote nyonso, mpe beno tala mbote yinza.

⁹³ Beno tala mwa yembe mutindu yandi ke pumbuka. Wapi mutindu ya ndeke ya kuswaswana yandi kele, beno me mona. Yandi—yandi kele ve na ndulungandu, yandi lenda ve kudya mutindu ngoyi-ngoyi lenda. Beno me mona? Yandi kele ve na ata ndulungandu na kati ya yandi. Yandi zolaka ve kusukula masa na—na—na kati ya masa, samu ti yandi kele na kima na kati ya yandi; ya ke sukula yandi kubanda na kati tii na ngaanda kuna, beno me mona.

⁹⁴ Ya kele mutindu Muklisto kele. Ya kele mutindu Nzambi ke kukimonikisa Yandi mosi, na kati ya—na kati ya—na kati ya yembe. Beno me mona, samu. . . mpe. . . Yesu vwandaka ya kumonikisa mutindu Mwana-dimeme. Ntangu nyonso na yinza beno ke mona Nzambi. Mpe Nzambi fwanikisaka beto na mameme yina fwana twadisama. Beno me talaka ntete kuna, mu longaka dilongi mosi na zulu ya yawu mwa ntangu fioti me luta? Ti Yembe kukulumuka na Mwana-dimeme, samu na kutwadisa Mwana-dimeme, mpe Yandi twadisaka Yandi na

abattoire. Yembe! Ntangu yayi, kana Mwana-dimeme yina. . . Yembe yina zolaka kulumuka ve na zulu ya kibulu ya mutindu ya yankaka, samu ti bawu zole zolaka vwanda ya nkadulu mosi. Beno me mona? Kana Yembe zolaka tentama na zulu ya yingo, mpe yandi zolaka kunyunguta to kungana, Yembe zolaka pumbuka kwa Yandi.

⁹⁵ Mbote, ya kele mutindu mosi ntangu yayi. Mpe banzila ya beto ya yimbi, Mpeve-Santu ke pamuka kwa Yandi mpe ke kwenda ntama. Ya fwana vwanda na nkadulu mosi. Ndeke ya Mazulu, yembe; kibulu ya lembami mingi na zulu ya ntoto, mwana-dimeme; bawu lenda wisana kintwadi. Mpe ntangu Mpeve-Santu ke kwiza na zulu ya beto mpe ke sala beto bivangu ya malu-malu, na yina Yandi lenda twadisa beto. Kasi beto ke meka na kuzinga luzingu mosi ya ntama, ya ke simba ve! Ya ke simba kaka ve.

⁹⁶ Ntangu yayi, mu banza kitambi ya ntete yina beno me bakaka ntete na luzingu ya beno, na kuzonzaka ya ntwadusulu, ya kele kukondwa ntembe maboko ya mwa *mama* mosi ya kiboba. Maboko yayi lendaka vwanda dyaka na nkokila yayi, kisika mosi kuna na mwa maziama, kasi yina vwandaka diboko yina simbaka nge na kusala kitambi ya nge ya ntete.

⁹⁷ Na manima mama me longa beno mutindu ya kutambula, mpe beno lendaka tambula fioti na manima beno ke kubwa, mpe beno ke telama, mpe nge banzaka ti nge vwandaka sala bima ya nene, na yina yandi me pesa beno *mulongi ya lukolo*. Mpe na manima yandi bandaka na kutwadisa beno na lukolo; ya mutindu mpe yina beno fwana sala, mpe mutindu beno fwana longuka, mpe—mpe nyonso ya mutindu yina.

⁹⁸ Na yina na manima mulongi ya lukolo me manisa na beno, kuna beno me vutuka, *tata* ya beno me simba beno. Na yina ntangu tata ya beno simbaka beno, yandi longaka na beno ti mu banza ksalu ya beno; wapi mutindu kuvwanda muntu ya mumbongo ya lunungu, wapi mutindu kusala bima mbote. Mama ya beno longaka beno wapi mutindu kuvwanda kento ya yinzo, wapi mutindu ya kulamba, mpe nyonso yankaka ya mutindu yina.

⁹⁹ Na yina na manima bawu me manisa na beno, na ntangu *mulongi* ya beno to *nganga-Nzambi* me simba beno.

¹⁰⁰ Kasi *ntangu yayi* nani ke twadisa beno? Ya kele kyuvu ntangu yayi. Ntangu yayi, beto nyonso kele ya kutwadisa na kima mosi na nkokila yayi. Beto fwana vwanda. Beto kele ya kutwadisa. Beno tala!

¹⁰¹ Ntangu yayi beto tala ntwenya ya bakala yayi. . . yina vwandaka na yisi ya lutumu ya yandi. Beto tala. . . muntu yayi ya mumbongo beto lendaka bokila yandi, samu yandi vwandaka muntu ya mumbongo. Yandi vwandaka muntu ya lunungu. Beto tala bantwadisi ya yandi.

¹⁰² Mbala yankaka, ntete, mama ya yandi longaka yandi mutindu mwana-bakala ya fioti bima yina yandi zolaka sala. Tata ya yandi salaka yandi bakala yina nungaka, mpe ya lendaka vwanda ti bikaka yandi—bikaka yandi difwa, samu ti yandi vwandaka mfumu yandi mosi; mbala yankaka tata ya yandi kwendaka, na yina yandi vwandaka muntu ya mumbungu. Yandi vwandaka . . . Beto bokila yandi, bubu yayi, mutindu muntu ya mumbungu ya Muklisto; to, yandi vwandaka muntu ya mumbungu, mu banza zolaka vwanda nsamunu ya kulutila mbote.

¹⁰³ Muntu yayi vwandaka musambidi, yandi vwandaka mumpani ata fioti ve. Mpe ba longaka yandi na mama ya yandi wapi mutindu ya kusala mbote, wapi mutindu kutambula, wapi mutindu ya kulwata yandi mosi. Ba longaka yandi na tata ya yandi, mumbungu ya nene, mpe mutindu ya kuvwanda muntu ya mbote; mpe mumbungu ya yandi vwandaka na lunungu. Mpe tata mpe mama kulaka na dibuundu, mpe lakisaka yandi na nganga-Nzambi. Mpe nganga-Nzambi salaka yandi musambidi ya kieleka. Na yawu yandi vwandaka muntu ya mayela mingi, yandi vwandaka mwana ya bakala ya mbote na nkadulu ya mbote.

¹⁰⁴ Kana Yesu Klisto talaka yandi mpe zolaka yandi, ya vwandaka na kima mosi ya kieleka samu na mwana ya bakala yina vwandaka kieleka. Kieleka. Samu ti Biblia ke tuba awa, beto ke tala na Marc, “Mpe Yesu talaka yandi, zolaka yandi.” Yinga, “Yesu talaka yandi, zolaka yandi.” Na yina ya fwana vwanda na kima mosi ya kitoko mingi samu na ntwenya yayi ya bakala. Yandi vwandaka . . .vwandaka na kikalulu ya mbote, mpe kikalulu ya mbote vwandaka sepelisa bantu. Yandi vwandaka muntu yina ba sansaka mbote; ya mayela, ya mayela mingi, muntu ya mayela, na mumbungu ya kifuluka mingi, mpe bakala ya musambidi. Yandi vwandaka na mitindu mingi ya mbote yina vwandaka ya kulutila mbote, mingi ya yawu bendaka bukebi ya Yesu Klisto Mvulusi. Kasi ntangu yandi vwandaka na ntuala, yandi vwandaka na lunungu na bima yayi nionso yankaka . . .

¹⁰⁵ Kima mosi ve tambulaka yimbi; yandi vwandaka ya kulunga na mutindu ya ba yidikaka yandi, ba tezaka yandi mbote kuna, muntu ya mayela, yandi kuzwaka ndongosolo ya mbote, yandi nungaka, yandi vwandaka na mayele mingi, muntu ya mumbongo ya mbote, na kutala yandi vwandaka kimvuka ya bantu ya mumbongo kisika mosi kuna na Palestine. Yandi lendaka vwanda mambele ya kimvuka ya bantu ya mumbongo mutindu beto ke na yawu awa na nkokila yayi, kukondwa ntembe ti yandi salaka yawu, samu ti muntu ya mumbungu ke kuzwaka ntangu nyonso kubundana na yankaka, mosi na yankaka.

¹⁰⁶ Samu ti kaka mutindu “bandeke ya mansala ya mutindu

mosi,” bawu kele na bima ya kuzonzila. Mpe kana yayi. . . Babakala ya misambidi, ba ke zolaka ve kutubila muntu yina ke twadisaka banganda mpe. . . bawu nionso kintwadi, samu ti bawu kele na kima ve na mutindu nyonso. Beto fwana kuzwa bima na mutindu nyonso. Na yawu Baklisto kele na bima ya mutindu nyonso na Miklisto; misumuki kele na bima ya mutindu nyonso na—na misumuki; mpe—mpe bimvuka, mpe nyonso yina bawu kele, bawu kele na bima na mutindu nyonso. Mpe mwana-bakala yayi ya ntwenia vwandaka ya kimvuka ya muntu ya mumbongo.

¹⁰⁷ Mpe yandi vwandaka musambidi mutindu yandi zolaka vwanda, samu ti Yesu yufulaka yandi awa, yandi tubaka, “Mu me zitisa misiku yayi, me zitisa yawu nyonso kubanda na buntwenya ya munu.” Ya kele kieleka.

¹⁰⁸ Beno me mona, ba nataka yandi kuna, ba longaka yandi mbote, mpe nionso yina. Kasi ntangu yandi vwandaka na ntwala ya dibanza ya Luzingu ya Kukonda nsuka. . . Ntangu yayi mu zola beno kutala, na nkadulu nyonso yayi yina vwandaka na yandi, kasi yandi zabaka ti yandi vwandaka ve na Luzingu ya Kukonda nsuka.

¹⁰⁹ Ntangu yayi, bimvuka ya beto nionso, dibuundu ya beto, bumabele ya beto mpe bima yina beto ke zolaka mingi, bimvuka ya beto ya ba-Américain, mpe nionso yina, kele mbote mingi, ba ke tuba kima mosi ve samu na kutelemina yawu. Mpe kimvuka ya bantu ya Mumbongo ya Baklisto awa, kele kima ya nene, ya vwandaka kielo ya kuzibuka samu na munu na. . . na mabanza ya munu ya tabernacle yina ke yambaka bantu nionso ti “beto kele Baklisto.”

¹¹⁰ Ya kele ve na mosi (ata dénomination mosi) yina lenda tuba ti beto, Muklisto ya kieleka, samu ti beno kele ya Nzambi. Ba-denomination kele yina me salama na maboko ya bantu, mpe Buklisto kele yina ba me fidisa na Zulu. Kasi na bima nyonso yayi yina kele na beto, mutindu mbote bawu kele, mutindu mbote mutindu beto ke vukanaka, mpe mutindu balukutakanu ya mbote mutindu beto ke na yawu, mpe lubakusu ya bantu yina kele na beto, kasi beto nionso kele na ntwala ya *Luzingu ya Kukonda nsuka*. Mpe ata wapi mutindu beto me kuzwa lunungu, wapi mutindu beto me kuzwa lunungu, mpe wapi mutindu ya mambele ya dibuundu ya nene beto kele, mpe mutindu beto ke salaka, mutindu beto ke mekaka na kusala bima mbote, dyaka, kana ya me salama ve na mutindu ya kulunga, ya kele kusambila Nzambi na mpamba.

¹¹¹ Yesu tulaka yawu na ndonga mutindu mosi, mutindu mu ke telema awa mwa ntangu fioti. Yandi tubaka, “Na mpamba beno ke sambila Munu, na kulongaka mutindu ndongosolo misiku ya muntu.” Ntangu yayi beno banza! Kusambila ya kieleka, ya kusungama (na bukieleka ya ntima ya beno) na Nzambi, mpe

ya lenda vwanda ata ya mpamba! Ya bandaka mutindu yina na Caïn, na disamba ya Eden. Bisambu ya kieleka, kasi ba losaka yawu! Musambidi ya kieleka, ba losaka yandi diaka!

112 Na Shreveport sabala me luta, sabala na ntwala ya sabala me luta, na lukutakanu ya Bantu ya Mumbongo, na madia ya suka kuna kisika bankama mingi ya bantu vukanaka, Mu bakaka bangunga zole na ndambu na kutubila na: *Kusadila Nzambi Kisalu Kukondwa Ya Vwanda Luzolo ya Nzambi*. Ntangu yayi, yina ke wakana ya ngitukulu, kasi beto fwana kukitwadisa beto mosi na banzila ya Nzambi me kubika mpe na mutindu ya Nzambi ya kusala yawu. Ata ti bambala yikwa beto ke banza ti ya kele mbote, ya fwana vwanda landila Ndinga ya Mfumu to ya kele mpamba. Kusambila ya Caïn, kasi ya vwandaka ve landila Ndinga ya Mfumu. Ba-Pharisien sambilaka, kasi ve landila Ndinga ya Mfumu. Mpe na nsangu yayi ya kuswaswana samu na Bantu ya Mumbongo, mu longaka yayi.

113 David, yandi zolaka kusala kisalu ya Mfumu, mpe yandi vwandaka ya kusungama na yina yandi tubaka. Yandi tubaka, “Ya kele kieleka samu na nzasa ya Mfumu na kuvwanda kuna? Bika beto nata yawu awa.” Na bilumbu ya ntinu, ntinu yankaka yina yandi yingaka. Yandi tubaka, “Ya kele kieleka ve. Ba yufulaka ata fioti ve Mfumu na nzila ya nzaza, kasi beto fwana sala yawu.” Ntangu yayi, ya kele kieleka, yina bawu zolaka sala. Yandi tubaka, “Beto fwana kwenda baka nzasa, mpe beto lenda yufula Mfumu.” Mpe ya kele kieleka, ya vwandaka kuna na yinsi yankaka. Yandi tubaka, “Beto fwana kunata yawu awa. Beno telemisa yawu awa mpe beno tula yawu na yinzo ya beto awa, mpe beno sambila Mfumu.”

114 Ntangu yayi beno tala yandi kotaka na nzila ya yimbi samu na kusala yawu. Yandi yufulaka ba-capitaine mpe bankama na mafunda. Bawu nionso vwandaka yufula, bawu nionso. Na kumonaka ti ya vwandaka luzolo ya Mfumu, yina vwandaka talana mutindu, to ya vwandaka Ndinga ya Mfumu.

115 Ndinga ya Mfumu, bantangu yankaka, beno fwana tula Yawu na kisika ya Yawu mbote to ya kele ve Luzolo ya Mfumu. Beno me mona? Ntangu yayi ti ya kota mbote-mbote mpe beno ke kuzwa dibanza ya nene ya yina mu ke na kumeka na kutuba.

116 Mu zola ve ti dibuundu kubwa na bimatinu yina beno monaka kuna na Angleterre: na bansuki ya yinda, mpe bantu ya kupakula, mpe ya kubeba. Beto zola yawu ve! Ya lenda vwanda yinki mutindu yayi ke talana mutindu ya musambidi, mpe mutindu Elvis Presley lenda yimba minkunga ya musambidi, yandi kele kaka dyabulu. Mpe mu kele zuzi ve, kasi “Na bambuma ya bawu beno ke zaba bawu.” Beno me mona? Yandi kele Pentecotiste, kasi yina ke sala luswaswanu mosi ve. Beno me mona, bambuma ya beno ke pesa kimbangi ya yina beno kele.

117 Ya lenda vwanda ti Mpeve ke kwizaka na zulu ya yandi, yandi lendaka zonza na bandinga, yandi lendaka boka, yandi lendaka belusa bambevo, mpe Yesu tubaka, “Mingi ya bawu ke kwiza na Munu na kilumbu yina, mpe ke tuba, ‘Mfumu, mu me sala *yayi* ve mpe *yina*?’ Mpe mu ke tuba, ‘Kwenda ntama na Munu, nge yina ke salaka disumu ya nkú, Mu zabaka nge ata fioti ve.’” Beno me mona?

118 Beto fwana vwanda Baklisto ya kieleka, ya kisina, mpe mutindu kaka beto lenda sala yina kele kutelemina yawu na kyuvu yayi awa ya “Luzingu ya Kukonda nsuka.”

119 Ya kele kaka na mutindu mosi ya Luzingu ya Kukonda nsuka, mpe yina ke katuka na Nzambi. Mpe Yandi kubikaka na ntwala konso kivangu yina zolaka kuzwa Yawu. Kaka mutindu nge vwandaka gene na kati ya na tata ya nge, nge vwandaka gene na kati ya Nzambi; mosi ya binama ya Yandi na kubanda, to beno ke vwanda Kuna ata fioti ve. Beno me basika na ntoto ya kutiamuka ya mama ya beno; tata ya beno zabaka beno ve, beno vwandaka na kati ya ba-rein ya yandi. Mpe ntangu beno ke basika na ntoto ya kutiamuka ya mama, na yina beno ke kuma muntu mpe kele ya kusala na kati ya kizizi ya tata ya beno, ntangu yayi beno lenda kubundana na yandi. Mpe kima mutindu mosi na Nzambi, kana beno kele na Luzingu ya Kukonda nsuka.

120 Luzingu yina beno me kota, luzingu ya kimuntu, luzingu ya nzutu, yina vwandaka na nzila ya tata ya beno. Mpe mutindu mosi kaka beno lenda butuka mbala zole, kele nzila mosi kaka, ya fwana vwanda na Tata ya beno ya Mazulu, binama ya Yandi. “Bayina nionso Tata pesaka Munu ke kwisa na Munu.” Beno me mona?

121 Beno kele awa samu ti ba tulaka nkumbu ya beno na Buku ya Luzingu ya Mwana-dimeme ntete ya vwanda mpe na mbandukulu ya yinza. Ya kele kaka kieleka. Beno kele gene, gene ya kimpeve na Tata ya beno ya Mazulu, kitini ya Ndinga ya Nzambi. Ya ke vwanda mutindu yina, mutindu mu tubaka, na yina beno vwandaka na Yesu ntangu Yandi vwandaka awa samu ti Yandi *vwandaka* Ndinga: beno monaka mpasi na Yandi, kufwaka na Yandi, kuzikama na Yandi, mpe vumbukaka na Yandi, mpe ntangu yayi ya kuvwanda na bisika ya Mazulu *na kati* ya Yandi!

122 Beno tala, David banzaka ti nyonso vwandaka mbote, mpe yandi yifulaka bantu nyonso yayi, mpe bawu bawu nyonso bandaka na kubina mpe kuboka mpe kuboka. Bawu salaka mambu ya bawu nionso ya misambidi, kasi dyaka ya vwandaka ve luzolo ya Nzambi na kukwenda kuna mpe kuvutula Ndinga ya Nzambi na yinzo ya Nzambi. Kasi, beno me mona, Nzambi ntangu nyonso (na bansungi nyonso) ke salaka na nzila mosi. Lukanu ya Yandi ya ntete kele lukanu ya Yandi mosi kaka, samu ti Yandi kele ya kulunga na balukanu ya Yandi. Yandi ata mbala

mosi ve ke salaka kima mosi kana ti Yandi monikisa yawu ntete na bisadi ya Yandi, baprofete. Ya kele kieleka.

¹²³ Ya kele samu na yina yayi, nsungi ya dibuundu yina beto ke na kuzingila, ya kele ve na dibuundu, ata Methodiste, Baptiste, Pentecotiste, to kima yankaka, yina lenda tula Dibuundu yayi na kati ya Kento ya makwela. Ya fwana vwanda mvutu ya Malachie 4, samu ti Nzambi fidisa profete kumonana, samu ti ya kele kaka mutindu yina. Mabuundu ya beto ke salama na zulu ya denomination mpe ke losa kima yango na kati ya mvindu mpe bantu ya mutindu na mutindu, kaka mutindu bawu ke vwandaka ntangu nyonso, mpe Nzambi ke fidisaka ntangu nyonso baprofete.

¹²⁴ Mpe ya vwandaka Nathan yina vwandaka ya kutelama na yinsi, profete yina ba siamisaka na ntwala ya Nzambi, mpe ba yufulaka yandi ata fyoti ve.

¹²⁵ Mpe bawu kwendaka kuna mpe bakaka luzingu ya muntu ya kudedama, mpe nyonso yina, mpe bakaka nzasa. Na kisika ya kutula yawu na zulu ya mapeka ya ba-Levite, samu na kunata yawu, bawu tulaka yawu na pusu samu na kunata yawu. Poto-poto ya muvimba!

¹²⁶ Beno me mona, kana beno kwenda ve landila luzolo ya Nzambi, mpe mutindu Nzambi me pesa beto na kukwenda, bawu ntangu nyonso ke kotisaka Yawu na poto-poto mpe ke katula Yawu na organisation mosi, na denomination mosi, na nsangu mosi, mpe kuna beno ke kwenda. Beno me mona? Ya ke salamaka ntangu nyonso mutindu yina.

¹²⁷ Ya kele kima mutindu mosi ti mwana ya bakala yayi vwandaka kutana na yawu. Yandi kotaka; yandi vwandaka mambele ya mu banza ba-Pharisien to ba-Sadducéen, to lutumu mosi ya nene ya kilumbu yina. Yandi vwandaka musambidi mutindu yandi zolaka vwanda. Yandi tubaka, “Mu me zitisa misiku yayi ba me longa munu, kubanda mu vwandaka ntwenya.” Beno me mona? Mpe Yesu zolaka yandi samu na yawu. Kasi yandi mangaka na kuvwanda ya kutwadisa, yandi mangaka na kundima lutwadusu ya kieleka ya Yesu Klisto samu na kupesa yandi Luzingu ya Kukonda nsuka.

¹²⁸ Beno tala, yandi kwikilaka ti ya vwandaka na kima ya kuswaswana na yina yandi kuzwaka, to yandi zolaka ata mbala mosi ve kutuba, “Mulongisi ya Mbote, yinki mu fwana sala ntangu yayi?”

¹²⁹ Beno me mona, yandi zolaka kusala kima mosi yandi mosi. Ya kele mutindu beto ke salaka, beto zola kusala kima mosi beto mosi. Dikabu ya Nzambi kele dikabu ya ofelé. Nzambi pesaka Yawu na beno, beno ke sala kima mosi ve samu na Yawu. Yandi tumaka Yawu na beno, mpe beno ke kuzwa Yawu. Beno me mona?

¹³⁰ Beno tala, yandi zabaka ti Yawu vwandaka kuna. Yandi kwikilaka na Yawu mpe zolaka Yawu. Kasi ntangu yandi vwandaka ya kutelemina na mutindu yandi zolaka sala yawu, ya vwandaka mutindu yankaka na kinkulu ya yandi. Ya vwandaka luswaswanu. Yandi lendaka bumba mbongo ya yandi mpe kuvwanda mambele na dibuundu yina yandi vwandaka, mpe nyonso yina. Kasi Yesu zabaka yawu, mpe zabaka ti yandi kutikaka mbongo yayi, mpe Yandi tubaka, “Kwenda tekisa nyonso yina kele na nge, mpe pesa yawu na bamputu. Mpe beno kwiza, beno baka kulunsi ya beno mpe beno landa Munu, mpe beno ke kuzwa bimvwama na Mazulu.” Kasi yandi lendaka ve kusala yawu.

¹³¹ Bantwadisi yankaka yina vwandaka na yandi na bilumbu ya yandi ya buntwenya, vwandaka na mutindu mosi ya lutumu na zulu ya yandi tii yandi mangaka na kundima Nzila ya Nzambi me kubika, yina vwandaka Yesu Klisto; Yandi yina kaka ke bumbaka Luzingu ya Kukonda nsuka, Yandi yina kaka lenda pesa beno Yawu. Dibundu ve lenda pesa beno Luzingu ya Kukonda nsuka; nkalani ya beno ve; pasteur ya beno ve; nganga-Nzambi ya beno ve; credo ya beno ve; kaka Yesu Klisto Yandi mosi lenda pesa beno Luzingu ya Kukonda nsuka. Yandi kele. . .

¹³² Ya lenda vwanda yinki mutindu mbote beno kele, yina beno ke bika kusala, yina beno ke banda na kusala, beno fwana kundima *Muntu* ya Mfumu Yesu Klisto. Mpe kuna ntangu beno ke sala yawu, Yandi kele Ndinga, mpe ntangu luzingu ya beno ke lunga mbote na kati ya Ndinga mpe Yawu ke monisama Yawu mosi na nsungi yayi yina beno ke na kuzinga.

¹³³ Noé zolaka sala yawu samu ti Ndinga kumonisama na nsungi ya yandi. Ntangu yayi, yinki kana Moise kwisaka kuna, yandi tubaka, “Beto zaba yina Noé salaka, beto ke baka ndinga ya Noé. Beto ke sala yawu kaka mutindu Noé salaka yawu. Beto ke tunga nzaza mpe ke kulumuka na Nzadi ya Nil, mpe kubasika na Egypte?” Na yina, ya zolaka ve kusala. Beno me mona, ya vwandaka nsungi yankaka.

¹³⁴ Yesu zolaka kwiza ve na nsangu ya Moise; Luther zolaka kwiza ve na nsangu ya Katolika; Wesley zolaka kwiza ve na nsangu ya Luther; Pantekote zolaka kwiza ve na nsangu ya nsungi ya Wesley. Mpe Kento ya makwela lenda ve kuvwanda ya kusala na kati ya denomination ya Pentecote, ya lenda kaka ve kusala yawu. Mpe ya kele kaka kieleka. Yandi me sala organisation mpe me basika awa, mpe yandi me vwanda kuna, kaka mutindu bayankaka ya bawu. Ya kele mpusu. Kaka mutindu luzingu ke kwizaka na. . . Beno me mona?

¹³⁵ Musoniki yina, mutindu mu zonzaka nkokila yankaka yina, musoniki yina sonikaka buku yayi. . . Mpe ve samu ti yandi vwandaka sawula munu mingi, yandi tubaka ti mu vwandaka “dyabulu, kana ya vwandaka na kima mutindu yina.” Na yawu

yandi tubaka ti yandi kwikilaka ve na Nzambi. Yandi tubaka, “Nzambi yina lendaka balula maboko ya Yandi mpe kuzangula bambangi ya Yandi, na kati ya bansungi ya ntete, mpe ke tuba ti beno kele na ngolo ya kuzibula Mubu ya Mbwaki, mpe ti bakento mpe bana kuzenga bawu bitini-bitini na bankosi mpe nyonso yina, mpe kuna tubaka ti Yandi vwandaka Nzambi ya luzolo.” Yandi tubaka, “Ya kele ve na kivangu ya mutindu yina.” Beno me mona, muntu yayi, kukondwa lutwadusu ya kimpeve ya Ndinga, me kubwa na kumona Yawu.

¹³⁶ Mbuma ya ntete ya blé, Bakala ya makwela, zolaka kubwa na ntoto samu na kuvumbuka dyaka. Mutindu mosi salaka Kento ya makwela ya ntete yina kubutamaka na Pantekote zolaka lutila na Bansungi yango ya Mudidi mutindu nkuna nyonso yankaka, kuzikama. Bawu fwana kufwa. Bawu zolaka sala yawu. Kasi ya bandaka dyaka na kuvumbuka na lufwa na Luther, na kusungika ya ntete. Ya talanaka ve mutindu nkuna yina kotaka, kasi ya vwandaka Nsemo ya kilumbu yina. Mwinga na manima yawu lutaka na felele, Wesley. Mpe kubanda na felele yawu lutaka na Pentecote, mpusu.

¹³⁷ Ntangu beno ke mona na kati ya blé, ntangu ya ke basika, mbuma ya blé, muntu yina me kuna blé, beno ke basika mpe ke mona mutindu ya blé yina na kati kuna, ya ke talana kaka kieleka mutindu mbuma. Kasi kana beno baka pince ya kulutila meno mpe beno vwanza mpe beno baka blé yango mpe kuzibula yawu, ya kele na ata mbuma kuna ata fyoti ve. Ya kele kaka mpusu. Mpe na manima yinki? Ya me—ya me salama kuna, samu na kusimba mbuma. Beno me mona? Mpe na manima, kima ya ntete beno zaba, luzingu me bika yinti kukota na felele; me bika felele ya disangu me kwenda na mpusu; ya me bika mpusu mpe me kwenda na blé. Bitezo tatu, beno me mona, ya yawu. Mpe na manima ya me sala Blé na *ngaanda* ya bitezo tatu (Luther, Wesley, Pentecote). Ya kele kaka kieleka. Beno me mona, kukondwa ntembe. Beno lenda zenga ve yinza.

¹³⁸ Ntangu yayi beno tala, konso bamvula tatu na manima Nsangu ba fidisaka na Nzambi me basika, bawu salaka organisation. Yayi vwandaka bamvula makumi zole, mpe ya kele ve na organisation. Ya ke ve. Beno me mona? Ntangu yayi mpusu fwana katuka, kupesa Blé siansi ya kubikana na ntuala ya Mwana, samu na kuyela; Nsangu ke vutuka mbala mosi na Dibuundu dyaka, na kusalaka Nzutu ya Yesu Klisto kaka mutindu Muntu ya ntete yina kwendaka na ntoto. Ntangu yayi, samu na kumona Luzingu ya Seko.

¹³⁹ Luzingu, kieleka mwinga na manima awa nataka Luzingu. Kieleka, ya salaka. Kasi, beno me mona, ntangu ya kumaka mwinga mpe ya sukaka, organisation, Luzingu kwendaka mbala mosi na Wesley; me basika mbala mosi, me kota kuna. Mpe mbala mosi, mosi na mosi ya bawu. . . Mosi, dititi ya nene, ya ke monana ve mutindu mbuma. Kasi ntangu mwa putulu ke kwiza,

mutindu . . . na mpusu . . . to na mwinga, putulu ya felele, ya ke talana mingi mutindu mbuma. Kasi ntangu ya ke kulumuka na mpusu yina, ya kele pene kuna.

¹⁴⁰ Yesu tubaka ve, “Na bilumbu ya nsuka” (Matthieu 24:24) “bawu zole ke vwanda pene-pene mingi ti ya ke vuna ba-gene ya kieleka, yina ba soolaka na mantwala, Bayina Soolamaka, kana ya lendaka salama”? Na kutala kaka mutindu kima ya kieleka, beno me mona. Na yawu, na bilumbu ya nsuka. Ntangu yayi, beno me mona, ya kele ntangu ya blé ntangu yayi. Ya ke na kukuma ntangu ya kubuka mbuma. Yayi kele ve nsungi ya Luther, yayi kele ve nsungi ya Pantekote, yayi kele nsungi ya Kento ya makwela.

¹⁴¹ Mutindu Moise bokilaka yinsi mosi na yinsi mosi, Klisto bubu yayi ke bokila Dibuundu mosi na ngaanda ya yinzo-Nzambi mosi, beno me mona; kima ya mutindu mosi na kifwanukusu, na kunataka bawu na Yinsi ya nkembo ya Seko.

¹⁴² Ntangu yayi, kumanga Muntu yina ke na kubokila, Klisto, ya lenda vwanda ti beno kele Pentecotiste, Methodiste, Luther, nionso yina beno kele, beno fwana . . .Nsungi yayi! Mu ke telemina bawu ve, ata fioti ve, kasi na nsungi yayi *ntangu yayi* beno fwana kundima (mutindu bawu salaka na nsungi yina) Muntu ya Klisto yina kele Ndinga!

Na mbandukulu vwandaka Ndinga, mpe Ndinga vwandaka na Nzambi, mpe Ndinga vwandaka Nzambi.

Mpe Ndinga kumaka nsuni, mpe zingaka na kati-kati ya beto, . . .

. . .mutindu mosi mazono, . . .bubu yayi, mpe kukonda nsuka.

Hebreux 13:8. Beno me mona, beno fwana ndima Muntu yina ya Luzingu ya Kukonda nsuka!

¹⁴³ Ntangu yayi, yina Luzingu Luther kuzwaka, vwandaka kunungisama. Wesley kuzwaka kusantisama, bwelaka na yawu. Pantekote kuzwaka kuvutuka ya makabu kuvutuka na kati ya yawu, bwelaka na yawu. Kasi ntangu yayi ya ke na kukangamaka na kati ya nzutu, beno me mona, bitini tatu ya yawu, mpe na ngaanda ya yawu . . .Na yina, ntangu mvumbukulu ke kwisa, Luzingu yina zingaka na kati ya ba-Luthérien ya bawu, yina basikaka, luzingu yina zingaka na ba-Methodiste mpe basikaka, Luzingu yina kwendaka na ba-Pentecotiste, ke zanguka na ntoto na kati ya Nzutu ya Kento ya makwela samu na kukota na ntuala ya Yesu Klisto. Nkembo na Nzambi! Oh, ya ke sepelisa ntima! Ya kele Kieleka!

¹⁴⁴ Beto me baluka na nsongi mosi! Beto ke na kutala na Mazulu, na kutalaka mbote na nkwezulu; Ditadi na zulu ya Pyramide, mutindu beto ke tuba, kuvutuka ya Yandi! Dibuundu fwana vumbuka na lufwa ntama mingi ve, mpe beto fwana kukubama.

¹⁴⁵ Mpe mutindu kaka beno lenda, kele ve kutuba, “Mbote, mu kele ya ba-Assemblée. Mu kele ya ba-Unitaire, ya ba-Binitaire,” to nyonso yina ya kele, bawu nyonso kuna, “Mu kele ya Dibuundu ya Nzambi,” yina zola kutuba kima ve. “Batata ya beto bokaka mpe binaka,” ya kele kaka kieleka nyonso ya kulunga, yina vwandaka kilumbu *ya bawu*. Kasi *bubu yayi* ba ke tutisa beno na organisation ve yina bawu salaka, kasi na Luzingu yina ke landila, yina kele Yesu Klisto.

¹⁴⁶ Ntwenya ya bakala yayi salaka kima mutindu mosi. Moïse sonikaka misiku yango. Kasi, beno me mona, Nzambi mosi yina sonikaka misiku, na nzila ya profete ya Yandi, vwandaka kima mutindu mosi yina pesaka profesi kilumbu ke kwiza, “Mu ke telemisa Profete mutindu munu. Mpe ya ke salama ti bayina nionso ke kuwa Yandi ve ba ke katula Yandi”; ba kwendaka kuna na kati ya bampusu ya denomination mpe bafelele ya blé. Ba fwana landila na kukwenda na Luzingu. Mpe bubu yayi, beno tuba ve, “Mu kele Pentecotiste. Mu kele ya *yayi*, mu kele ya *yina*.” Yina zola kutuba kima mosi ve. Beno fwana kundima Muntu Klisto, Luzingu ya Kukonda nsuka. Kututisa mosi na mosi ya beto! Beno zimbana yawu ve.

¹⁴⁷ Bantwadisi yankaka, beno me mona, bawu vwandaka na kima mosi ya mutindu yina. Bantu ya bawu ke longaka, “Mbote, beto kele ya *yayi*, mpe beto kele ya *yina*,” mpe bawu vwandaka na luyalu mingi na zulu ya yandi. Kasi wapi mutindu kima ya mpasi, samu na kumanga lutwadusu ya Luzingu ya Kukonda nsuka!

¹⁴⁸ Ntangu yayi, Luzingu yayi kele ntangu yayi na nkokila yayi. Ya kele kieleka. Mpeve-Santu kele awa, yina kele Klisto na mutindu ya Mpeve; Mpeve ya Yandi, kupakulama kele awa.

. . . na mwa ntangu fyoti, mpe yinza ke mona dyaka munu ve; kasi beno ke mona munu: . . .

. . . Samu ti mu ke vwanda na beno, mpe na kati ya beno, tii na nsuka ya ntangu, tii na nsuka ya yinza.

¹⁴⁹ Yesu yandi mosi lenda twadisa beno na Luzingu yina ya Kukonda nsuka. Ya kele ve na dibuundu, ata dénomination, ata mulongi, ata nganga-Nzambi, ata kima yankaka ve lenda twadisa beno na Yawu, beno fwana twadisama na Yandi, Yandi yina kaka lendaka twadisa beno.

¹⁵⁰ Beno lenda banza ti Yandi ke twadisa beno na ngaanda ya Ndinga ya Yandi, yina ya kele Yandi? Mpe kana Yandi kele Ndinga, mpe beno kele kitini ya Yandi, beno ke vwanda ve kitini ya Ndinga? Ndinga yina Nzambi zola mwangisa bamasa ya mpulusu na zulu ya bubu yayi, samu na kutalisa Yandi bubu yayi; mutindu bantumwa talisaka Yandi, mutindu Luther, mutindu Wesley, mutindu na kati ya bantu na bilumbu yina talisaka Yandi. Yayi kele nsungi yankaka. Ya kele Ndinga! Ndinga me tuba bima yayi yina beto ke na kumona kusalama

ntangu yayi, ba me zabisa na ntuala na kusalama na ngunga yayi. Na yawu beno ndima Yesu Klisto mpe beno bika Yandi twadisa beno na Luzingu ya Kukonda nsuka.

¹⁵¹ Ata ti yandi me sala, ntwenya ya bakala yayi. . . Yandi me sala bima nyonso ya mbote. Na lukolo, ya vwandaka mbote. Mutindu mwana-bakala ya mbote, kukondwa ntembe, yandi vwandaka mbote. Mutindu tata ya kieleka. . . Na kuwaka papa ya yandi na kati ya kisalu, yandi vwandaka mwana-bakala ya mbote—ya mbote. Mbote na bibuti ya yandi. Yandi vwandaka ya kukwikama na nganga-Nzambi ya yandi. Yandi vwandaka ya kukwikama na dibuundu ya yandi. Yandi vwandaka ya kukwikama na misiku ya Nzambi. Kasi yandi zimbisaka kima ya kulutila nene, mpe yina yankaka ya bawu zolaka tuba mingi ve na yandi ntangu yandi mangaka lutwadusu ya Luzingu ya Kukonda nsuka, Yesu Klisto.

¹⁵² Beno tala! Mosi na mosi ya beto ke kutana na lutwadusu yayi bubu yayi, kima mutindu mosi mutindu ya salaka na ntwenya ya bakala yina, beto. . . ya lenda vwanda wapi mutindu musambidi beto kele. Beno lendaka vwanda Katolika, beno lendaka vwanda Baptiste, Methodiste, to beno lendaka vwanda Pentecotiste, to nionso yina beno kele, kima mutindu mosi yayi beno ke kutana na yawu na nkokila yayi: Luzingu ya Kukonda nsuka, ya kele, kundima lembami ya Yesu Klisto. Ba me pesa beto bweso yayi.

¹⁵³ Ntangu yankaka na luzingu beto fwana vwanda na kima ya kututana na yawu kaka mutindu ntwenya ya bakala yayi salaka, samu ti beno kele muntu yina ke kufwa mpe ba me pesa beno—beno kuzwa bweso ya nsodolo. Beno kele na nsodolo. Nzambi salaka yawu samu ti beno kulenda sola. Kana Yandi tula Adam na Eve na kimpwanza ya kusoola samu bawu soola, mpe na yawu bawu salaka nsodolo ya yimbi, mpe, beno me mona, Yandi lenda sala beno ya kulutila ve na yina Yandi salaka na bawu. Yandi fwana tula beno kima mosi samu beno kulenda kusola to kumanga.

Beno kele na nsodolo. Beto tala ndambu ya bawu:

¹⁵⁴ Beno kele na nsodolo, mutindu ntwenya ya bakala, kana beno ke kuzwa ndongosolo to ve. Beno kele na nsodolo yango. Beno lenda zola kuvwanda “kaka na yawu ve,” beno lenda manga kaka yawu.

¹⁵⁵ Beno kele na nsodolo ya luzingu ya beno. Mu ke nyongisa mwa fyoti awa. Beno me mona? Beno lenda basika mpe kubika nsuki ya beno kukula mpe kuvwanda Beatle to ndambu ya bima yayi yina zaba dyambu ve.

¹⁵⁶ To beno bakento, beno lenda talana mutindu muntu ya kulunga to beno lendaka vwanda mosi ya bivangu yayi ke yitukisa yina beto ke na yawu kuna, na meso ya kifuluka na bleu. Mpe bansuki ya kuzenga na bayintu ya kuvimba mpe nionso yina, ba ke telemina Ndinga ya Nzambi ya muvimba,

yina kele kieleka ya kuswaswana; ba lendaka ve kupesa. . . ba lendaka ve kupesa kisambu yina ba ke ndima. Ya kele Kieleka. Ya kele kaka kieleka. Ya kele yina Biblia ke tuba.

157 Kasi yinki me salama na beno, dibuundu? Beno me mona television mingi, bima mingi ya yinza, ya kele mpasi mingi samu na Adam ya beno ya ntama na kuvukana na yawu, samu na kusala mutindu bayankaka ya bawu.

158 Bika mu vutukila dyaka yayi! Na ntangu ya kascher, na ntangu ya dikabu ya kukatula-masumu na bilumbu ya Moise, ntangu Moise basisaka bana kuna, ya zolaka vwanda na bilumbu sambwadi ti ya zolaka vwanda ve na levire na kati-kati ya bantu. Muntu nyonso zaba yawu. Na Exode, “Levire ke vwanda ve na kati ya kimvuka ya beno na bilumbu sambwadi” Ti *bilumbu sambwadi* vwandaka monikisa “bansungi sambwadi ya dibuundu.” Beno me mona?

159 “Ata levire ve.” Ntangu yayi, yinki ya kele? Ata credo ve, yinza ve. Yesu tubaka, “Kana beno zola yinza to bima ya yinza, zola ya Nzambi kele ata fyoti ve na kati ya beno.” Beno me mona? Mpe beto ke na kumeka na kuvukisa yawu; beno lenda ve kusala yawu! Beno fwana kukuma na kukwikila na kima *mosi*: to beno ke kwikila Nzambi, beno ke kwikila dibuundu ya beno, beno ke kwikila yinza, beno ke . . . Beno lenda ve kuvukisa yawu kintwadi. Mpe beno lenda ve kukangama na bima yango ya ntama yina dibuundu yankaka ntete beno salaka. Beno fwana kundima Nsangu ya ngunga.

160 Yandi tubaka, “Yinki me bikana, beno bika yawu ve kuvwanda tii suka (samu na kukota na nsungi yayi yankaka), yoka yawu na tiya; ya bebisama.” Ti nsungi yina beno ke na kuzingila, Nsangu ya nsungi yayi, Ya fwana kuvwanda me katuka na Masonuku mpe ya kusiamisa mpe ya kusiamisa na Nzambi ti ya kele Nzambi ke na kusalaka mutindu yina. Na manima beno ke kuzwa Yawu to ke manga Yawu. Ya kele Luzingu ya Kukonda nsuka, lutwadusu ya Mpeve-Santu, na kutwadisaka Dibuuundu ya Yandi.

161 Beto lendaka kulutisa mwa ntangu ya yinda, kasi beto kwenda na ntwala, beto landila kaka na kukwenda na ntwala.

162 Nsodolo ya luzingu ya beno. Beno lenda. . . Beno lenda ve kuvukisa yawu ntangu yayi. Beno kele to samu na Nzambi to kutelemina Nzambi, mpe nzonzolo ya ngaanda ke lakisa bukieleka nyonso yina kele na kati. Beno me mona? Grateron. . . Mingi ya beno ke banza, “Mu kele na mbotika ya Mpeve-Santu, mu ke kwenda na Mazulu.” Yina zola tuba kima mosi ve yina nge ke kwenda na Mazulu. Ve, tata. Beno lenda kuzwa mbotika ya Mpeve-Santu konso ngunga na luzingu ya beno, mpe kuvwanda dyaka ya kuzimbana mpe kukwenda na difelo. Biblia me tuba mutindu yina. Uh-huh, ya kele kaka kieleka nyonso.

163 Beno tala awa, beno kele muntu ya ngaanda. Beno kele na ba-sense tanu yina ke kutanaka na yawu na ngaanda ya nzutu. Nzambi pesaka beno ba-sense tanu; ve samu na kukutana na Yandi, yinzo ya beno ya ntoto: kumona, ntomo, kusimba, kuwa nsunga, mpe kuwa.

164 Na yina beno kele na mpeve na kati ya yawu, mpe ya kele na bankotolo tanu: konsiansi, mpe zola, mpe nyonso yina. Bankotolo tanu yina beno ke kutana na mpeve ya yinza na yawu, kasi na mpeve ya beno.

165 Kitini ya nzutu ya beno ke kutana na yina kele nzutu. Kitini ya mpeve ya beno ke kutana na yina kele ya kimpeve. Kasi na kati ya yawu beno kele na moyo, mpe moyo yina kele gene yina me katuka na Nzambi.

166 Mpe mutindu bébé salamaka na kivumu ya mama ya yandi. Ntangu bébé ke kota na—na kivumu ya mama na nzila ya mwa nkuna, yandi ke syelumuka na kati ya diki, ya ke salaka ve cellule mosi muntu, ya kulanda yimbwa, mpe ya kulanda niawu, mpe ya kulanda mpunda. Ya kele ba-cellule nyonso ya kimuntu samu ti ya ke tungama na cellule ya ntete ya kimuntu.

167 Mpe ntangu muntu me butuka mbala zole na nzila ya Ndinga ya Nzambi, yina ba soolaka na mantwala samu na Luzingu ya Kukonda nsuka, yina ba ke bokila “Musolami,” ya ke vwanda Ndinga ya Nzambi na zulu ya Ndinga, Ndinga na zulu ya Ndinga! Credo ya denomination ve mpe Ndinga mosi ve, mpe credo mosi; mpe ya ke simba ve. Beno lenda ve kuzwa levire yina na kati ya Yawu! Kaka Luzingu mosi ya Seko, Yesu Klisto Ndinga:

Na mbandukulu vwandaka Ndinga, mpe Ndinga vwandaka na Nzambi, mpe Ndinga vwandaka Nzambi.

Mpe Ndinga kumaka nsuni, mpe zingaka na kati-kati ya beto, . . .

168 Bankundi ya munu, beno ke disaka bana ya munu. Beno ke tinda munu bisika nionso na bilanga ya kumwangisa nsangu na yinza, samu na kunata Nsangu. Mu fwana vwanda ya kusungama na beno. Yina mu ke na kutala, mu banza ti beno ke mona ve. Ya kele yina mu kele awa samu na kumeka na kutuba na beno. Ya kele ve samu ti mu ke zolaka bantu ve, ya kele samu ti mu ke zolaka bantu. Ke sungikaka. Ntangu mu ke mona dibuundu ke na kuzimbanaka, ke soba nzila, ke tuba, “Mbote, beto salaka *yayi* mpe beto salaka *yina*,” mpe kutala bisika nyonso na dibuundu mpe kumona. . . Ya ke simba kaka ve.

169 Na yina beno tala awa na kati ya Biblia mpe beno mona ti ya fwana vwanda mutindu yina na nsuka, Nsungi yango ya Dibundu ya tiya ve madidi ve ya Laodicée, na kutulaka Yesu na ngaanda (Ndinga). Yandi bokilaka ata fioti ve. . . Yandi ke bokila dibuundu mosi ve. Yandi tubaka, “Bayina nionso mu ke zolaka, mu ke semba. Mu ke sungika bawu.” Na kubakaka Ndinga mpe

bulaka Yawu, mpe tubaka, “Nge keke na foti na yawu!” Ya keke samu na yina mu zola beno. “Kana beno zibula kielo mpe beno bika Munu kukota, Mu ke kota mpe ke dya na beno.” Dibuundu ve, ba me basisa Yandi na yawu.

170 Yandi ke na kukwenda na Conseil Oecuménique. Ya keke kisika yandi me kwenda, mbala mosi na Rome kisika yandi me katuka. Mpe ya keke kieleka. Mu me sonika yawu na mukanda ya bamvula makumi zole na tanu me luta, to bamvula makumi tatu na tatu me luta, mpe yawu yina. Yina kaka ve, ya keke ya kusonika na kati ya Biblia, katuka vision. Yandi me vutuka. Ya keke ve na mutindu ya kuvulusa yawu, ya me kwenda! Ya kekwanda mutindu yina.

171 Nzambi ke na kubokila *bantu*. “Mu ke telama na kielo mpe ke konkota. Kana muntu nyonso, muntu nyonso . . .” Muntu mosi na kati ya funda mosi, ya lendaka vwanda mosi na zulu ya fuku mosi.

172 Mutindu mu tubaka na mwa bankokila me luta. Ntangu Israel basikaka na Egypte, ya vwandaka kaka na mafuku zole ya bantu yina kwizaka, mpe kaka mafuku zole; kaka mosi . . . kaka bantu zole kotaka. Mosi na kati ya difuku mosi. Beno me zaba yawu? Caleb mpe Josué.

173 Mpe Yesu, ntangu Yandi vwandaka na zulu ya ntoto, bawu tubaka, “Batata ya beto kudiaka mana na ntoto ya kuyuma. Beto ke zitisa binkulu. Mpe beto ke na kusalaka *yayi*. Beto zaba kisika beto keke ya kutelama!”

174 Yandi tubaka, “Mu zaba ti batata ya beno kudiaka mana na ntoto ya kuyuma, mpe bawu nionso keke ya kukabwana ya Kukonda nsuka. Bawu keke ya kufwa!”

175 Ntangu germe ke katuka na bakala to kento, ya keke na mafuku ya meki ke kwiza, ya keke na mafuku ya ba-germe ke kwiza. Mpe na kati ya mwa ba-germe *yayi* nyonso, ya mutindu . . . Kana ya keke—kana ya keke na ngombe ya bakala, to bakala, to nyonso yina ya keke, ya keke kaka na mafuku ya ba-germe, mafuku ya bankuna yina ke na kusalaka. Na kati kuna ya keke kaka na mosi ya ba-germe yango yina ba tumisaka na luzingu, samu ti ya keke na diki mosi kuna na zulu, yina ke butaka mbuma, samu na kukutana yawu. Ya keke kieleka. Kaka diki mosi ya ke kutana. Kaka mutindu nzutu *yayi* awa keke ya kuvwanda awa, mpe germe ke katuka na Nzambi. Beno me mona? Mpe beno tala mbote mwa germe yango kukwiza na kati-kati ya ba-germe nyonso *yayi* yankaka, mpe ke syelumuka pene-pene ya yawu, kaka na kulutaka yawu, ke kwenda kuna samu na kuzwa diki yina ya lubutu mpe—mpe ya ke syelumuka na kati ya yawu; mpe yankaka nyonso ke kufwa.

176 Yinki zolaka salama kana ya vwandaka mutindu yina na dibuundu bubu *yayi*, mosi na kati ya fuku mosi? Beno me mona kisika ya zolaka vwanda? “Mwelo keke ya fioti mpe ya fioti mingi

kele Nzila, mpe bantu fioti kaka ke landa Yawu; samu ti nene kele nzila yina ke nata na kubeba, mpe mingi ya ke vwanda yina ke kota kuna.”

“Ya kele kieleka, Mpangi Branham?” Mu zaba ve, kasi mu ke na kutangaka kaka Masonuku. Beno me mona?

¹⁷⁷ Ntangu yayi, ba me tuma beno na Luzingu. Beno me mona Yawu kana ba me tuma beno na kumona Yawu. Kana ba me tuma beno ve na kumona Yawu, beno ke mona Yawu ve. Yandi tubaka, “Bawu kele na meso kasi bawu lenda mona ve, makutu mpe lenda kuwa ve.” Wapi mutindu beno ke vutula matondo, na dibuundu! Wapi mutindu beno ke sungama beno mosi na bima yayi! Wapi mutindu beno fwana vwanda na tiya samu na Nzambi! Meso ya beno ke tala yina beno ke mona, makutu ya beno ke kuwa bima yina beno ke mona. Lutwadusu! Samu na yinki beno me kwisa awa na nkokila yayi samu na kuwa Nsangu ya mutindu Yayi? Ba me tula munu kidimbu na yinza ya muvimba, na nzila ya mabuundu, mutindu “fanatiki.” Samu na yinki beno me kwiza? Mpeve-Santu me twadisa beno awa (beno me mona? beno me mona?) samu na kuwa. Beno sala nzengolo! Beno katula bima ya yinza, beno ndima lutwadusu ya Yesu Klisto, to beno ke kufwa ya kieleka mutindu yinza.

¹⁷⁸ Beno kele na nsodolo ya luzingu. Wapi mutindu beno ke kukitambwisa mbote, yina me tala beno.

¹⁷⁹ Beno kele na nsodolo ya kento. Beno ke basika mpe ke baka kento ya beno. Beno zola kubaka kento, beno ke zola kubaka kento yina ke vwanda yankaka ya kulutila samu na beno. . . na yina beno zola ti beno. . . yina beno ke kanaka ti dibuta ya beno ke vwanda na bilumbu ke kwiza. Beno lenda banza bakala mosi, bakala ya Muklisto, kwenda mpe kubaka mosi ya ba-Ricketta ya malu-malu yayi samu na kento? Huh? Beno lenda banza? Yinki bakala yayi ke na kubanzaka? Wapi mutindu ya yinzo yandi ke kuzwa kana yandi baka striptease, mwana-kento ya miziki ya hall yina ba me lokota awa na bala-bala, kento ya kindumba ya bala-bala? “Oh,” beno ke tuba, “ntangu yayi, vingila fyoti.” Wapi mutindu yandi ke lwata yandi mosi? Beno me mona? Beno me mona? Ke lwata bakupe mpe nyonso, yandi kele ndumba ya bala-bala. “Oh,” beno ke tuba, “ntangu yayi, Mpangi Branham!” Oh, mwa ba-jupe yina ya ntama ya kukangama, ya ke talana mutindu ti ba ke tsyamuna beno na kati, na bala-bala ndumba.

¹⁸⁰ Yesu tubaka, “Muntu nyonso yina ke tala kento samu na kulula yandi, me sala yimeni pité na yandi na kati ya ntima ya yandi.” Na yina yandi fwana pesa mvutu samu na yawu. Mpe yinki yandi salaka? Yandi monikisaka yandi mosi. Nani kele yina kuzaba dyambu? Beno banza na yawu.

¹⁸¹ Beno ke tuba, “Ba ke salaka ve bilele yankaka.” Ba kele na bamasini mpe bamasini ya kutunga bilele. Ve mulemvo ya beno. Huh-uh. Ya kele kieleka.

182 Ntangu yayi, mu zola ve kunyongisa beno. Mpe yayi kele nsaka ve, yayi kele MUTINDU ME TUBA MFUMU na Masonuku. Ya kele kaka kieleka, nkundi. Mu kele kiboba ya bakala, mu kele diaka ve na ntangu ya yinda ya kuvwanda, kasi mu fwana tuba na beno Kieleka. Kana yayi kele nsangu ya munu ya nsuka, ya kele Kieleka. Beno me mona? Ve, mpangi ya kento. Ve, mpangi ya bakala.

183 Mpe beno bampangi yina kele ya kukangama na credo, mpe na kuzabaka ti Ndinga ya Nzambi me siamisama kaka na ntwala ya beno. Mbotika ya Mpeve-Santu mpe babukieleka yayi yina kele na beto bubu yayi, mpe na yina, samu na credo ya beno, beno katukila Yawu? Wapi mutindu beno lenda vwanda mwana ya Nzambi mpe kumanga Ndinga ya Nzambi yina ba zabisaka na ntwala samu na bilumbu yayi ya nsuka yina beto ke na kuzinga? Wapi mutindu beno lenda sala yawu? Wapi mutindu Biblia lenda bokila yayi. . .

184 Mutindu mu tubaka mazono na nkokila na yina me tala ntinu kilumbu mosi, kuna na Sud, ntangu ba vwandaka teka bantu ya ndombe kuna mutindu bampika. Na yina, bawu ya vwandaka mutindu na mumbongo ya matoma ya ntama, ba ke pesa beno mukanda ya kutekila samu na yawu. Mpe mu vwandaka na ntima ya yinda, na mwa kisika mosi. . . Mu tangaka kilumbu mosi kisika musumbi-muteki mosi kwisaka kuna samu na kusumba fioti, mpe yandi tubaka, “Mbote, ntangu yayi, mu ke zola. . .” Ba vwandaka na mawa, beno zolaka bula bawu fimbu, samu ba vwandaka katula bawu na yinzo. Ba vwandaka kuteka, bampika. Mpe bawu na yinsi ya nzenza ba zabaka kima mosi ve samu na yawu, mpe ba ke vutuka diaka ve na yinzo, mpe ba vwandaka na mawa. Ba vwandaka bula bawu, samu bawu kusala kusalu. Kasi musumbi-muteki yayi lutaka na kilanga mosi.

185 Ntwenya mosi ya bakala kuna yina vwandaka ke vimbisa ntulu ya yandi, tii na kibefu ya yandi, ba vwandaka ve kubula yandi fimbu. Yandi vwandaka kaka na zulu, mpe yandi vwandaka landila na kukeba na zulu bumuntu ya bayankaka.

Musumbi-muteki tubaka, “Mu ke sumba yandi.”

186 Yandi tubaka, “Yandi kele ve ya kuteka. Yandi ke kwenda ve. Nge ke sumba yandi ve, samu ti yandi kele ve ya kuteka.”

187 Yandi tubaka, “Mbote, yinki ke sala ti yandi kuvwanda ya kuswaswana mingi?” Yandi tubaka, “Yandi kele mfumu na zulu ya bayankaka ya bawu?”

Yandi tubaka, “Ve.”

Yandi tubaka, “Nge ke disa yandi mutindu yankaka?”

188 Yandi tubaka, “Ve. Yandi kele mpika, yandi ke kudia kuna na kantini na bayankaka ya bawu.”

Yandi tubaka, “Yinki ke sala ti yandi vwanda ya kuswaswana mingi?”

¹⁸⁹ Yandi tubaka, “Mu kukiyufulaka munu mosi, tii mu monaka yawu. Kuna na Afrika (kisika bawu katukaka, kisika ba-Boers sumbaka bawu, mpe nataka bawu awa mpe tekaka bawu samu na bampika), kuna tata ya yandi kele ntinu ya dikanda. Mpe kasi, nzenza, ntama mingi na yinzo, yandi zaba ti yandi kele mwana ya ntinu. Na yina yandi ke kukitambwisa yandi mosi mutindu yina.”

¹⁹⁰ Wapi mutindu ya kusemba na Buklisto! Beto fwana monikisa Nzambi mpe Luzingu ya Kukonda nsuka. Ya kele kaka na mutindu mosi ya Luzingu ya Kukonda nsuka, mpe ya kele Nzambi. Yandi kaka kele na Luzingu ya Kukonda nsuka. Mpe beto kele mbuma ya Yandi, samu ti beto kele ba-gene ya Mpeve ya Yandi. Na yina beto fwana kukitambwisa, bakento mpe babakala, mutindu Biblia me tuba na beto na kusala. Ba-Jézabel ya bala-bala ve, mpe ba-Ricky ya organisation; kasi batata ya Muklisto, bana-babakala mpe bana-bakento ya Nzambi, yina me butuka na Mpeve ya Nzambi, na kutalisaka Nsemo na bilumbu ya beto mpe na kumwangisa Yawu. Ya kele nyonso kieleka.

¹⁹¹ Wapi mutindu ntama beto me kwenda na Yawu! Samu na yinki? Kima mutindu mosi mwana ya bakala yayi salaka awa. Yandi mangaka, mangaka Luzingu ya Seko, samu ti Yawu zolaka lomba yandi kisika ya yandi na ntwala ya bantu, Ya zolaka sumba yandi—yandi—yandi na ngolo ya yandi ya bumvwama ya mbongo, Ya lendaka sumba kubundana ya yandi na kati ya dibuundu, Ya lendaka sumba yandi na bima ya kulutila. Yandi zabaka yina Yawu zolaka lomba yandi, yandi vwandaka mwana-bakala ya mayele na kubakula mambu, mpe yandi talaka ti yandi lendaka futa ntalu yayi ve. Kasi yandi banzaka, “Mu ke tula kaka kivuvu na nsambulu ya munu mpe kulandila.” Kasi kuna na kati ya ntima ya yandi yandi zabaka ti ya vwandaka na kima mosi samu na Yesu Klisto vwandaka ya kuswaswana na banganga-Nzambi ya bawu ya kilumbu yina.

¹⁹² Mpe Nsangu nyonso yina ke kwiza, Nsangu ya kieleka, yina me butuka na Nzambi, kele ya luswaswanu na mbenduka ya ntama. Ntangu kubeluka ya Kinzambi basikaka, ntama mingi ve, beno talaka mutindu bamekudi landaka yawu? Beno me mona? Mpe mosi na mosi ya bawu kele kaka na kati ya ba-organisation ya bawu, ke vwanda kuna. Muntu nyonso zaba ti ya zolaka vwanda na Nsangu ke landa yawu? Samu na yinki, Nzambi ke yangidisa beto ve! Yandi ke benda bukebi ya beto na kima mosi, mpe ntangu Yandi ke benda bukebi ya beto, na yina Yandi kele na Nsangu ya Yandi.

¹⁹³ Beno tala ntangu Yandi kwisaka ntete na zulu ya ntoto, mpe bandaka ministere ya Yandi, “O Rabbi ya ntwenia, beto zola Nge

awa na yinzo-Nzambi ya beto. Beto. . .Kwisa awa.” Profete ya ntwenia. “Oh, beto zola ti Nge vwanda awa. Kwisa awa.”

¹⁹⁴ Kasi kilumbu mosi Yandi telamaka mpe tubaka, “Munu mpe Tata ya Munu kele Mosi.”

¹⁹⁵ “Oh, la la! Yandi ke kukisala Yandi mosi Nzambi.”

¹⁹⁶ “Kana beno kudia ve Nzutu ya Mwana ya muntu mpe beno kunwa Menga ya Yandi, beno ke na Luzingu ve na kati ya beno.”

¹⁹⁷ “Yandi kele vampire! Beto kele ve na kima ya kusala na yawu.”

¹⁹⁸ Bantumwa yina bikanaka kaka kuna; mafunda bikaka Yandi, kasi bantumwa yina vwandaka ya kutumama na Luzingu. Yandi tubaka mutindu yina. Bawu lendaka ve kutendula Yawu; bawu kwikilaka Yawu. Bawu kangamaka kaka na Yawu samu, bawu tubaka, “Muntu ve lenda sala bisalu yayi.”

¹⁹⁹ Ata mpe banganga-Nzambi zabaka yawu. Nicodeme tubaka, “Beto zaba” (kimvuka ya Bakuluntu) “ti muntu ve lenda sala bisalu yayi kana ti ya vwanda ve ya Nzambi.” Beno me mona?

²⁰⁰ Pierre, na Kilumbu ya Pantekote, tubaka, “Yesu ya Nazareth, Muntu yina Nzambi ndimaka na kati-kati ya beno. Nzambi vwandaka na Yandi.”

²⁰¹ Beno tala na kati ya Masonuku, yina Masonuku me tuba ke sala. Yesu tubaka, “Beno longuka Masonuku, na kati ya Yawu beno ke banza ti beno kele na Luzingu ya Kukonda nsuka. Yawu kele yina ke sala kimbangi ya Munu. Kana beno zabaka Moise, beno zolaka zaba Munu, samu ti Moise sonikaka ti mu ke kwisa, na mutindu yina mu ke kwisa.” Yandi kwizaka mutindu Mwana ya muntu.

²⁰² Yandi ke kwiza na bankumbu tatu, mutindu Nzambi. Tatu (mutindu Tata, Mwana, mpe Mpeve-Santu), Nzambi mosi, ya kele binama tatu.

²⁰³ Ntangu yayi na yina, mpe, kunungisama, kusantisama. . . ; Luther, Martin, mpe—mpe—mpe ba-Pentecotiste; kima mutindu mosi: binama tatu, bima tatu, bansungi tatu ya dibuundu.

²⁰⁴ Kima mutindu mosi: maza, menga, mpe mpeve. Oh, kaka mutindu beno ke kwenda na ntwala, bima tatu yina ke vutula beno na kati ya nzutu. Mutindu ya ke basisa beno na mbutukulu ya beno ya kimuntu, kifwanukusu ya mbutukulu ya beno ya kimpeve. Bébé me butuka, masa ya ntete, menga yina ke landa, na manima luzingu. Ya kele mutindu beno ke kotaka na Kimfumu ya Nzambi, mutindu mosi. Beno me mona? Ya kele mutindu Dibundu ke kwizaka, mutindu mosi. Kima mutindu mosi. Ntangu yayi beno tala bima tatu yayi, Nzambi me sala ya Yandi. . . na kusalaka nzutu ya Yandi.

²⁰⁵ Ntangu yayi beto ke mona ti na kati awa, ti beno kele na muswa na nsodolo ya beno. Beno ke sola mwana ya kento yina beno zola kukwela; yandi ke ndima beno, mbote mingi.

²⁰⁶ Na yina kima yankaka, beno kele na nsodolo ya kana beno zola kuzinga to kana beno zola ve kuzinga. Beno sola ntangu yayi na kati-kati ya Luzingu mpe lufwa. Beno lenda zinga.

²⁰⁷ Mwana-bakala yina kuzwaka nsodolo yango. Yandi vwandaka na lunungu na nyonso yankaka, musambidi, kasi yandi zabaka yawu ntangu ti. . . Yandi zonzaka yawu na yandi mosi, “Mu me tala misiku nyonso yayi tuka mu vwandaka buntwenya,” kasi yandi zabaka ti yandi vwandaka ve na Luzingu ya Kukonda nsuka. Beno me mona? Mpe yandi vwandaka na nsodolo ya kundima Yawu to kumanga Yawu, mpe yandi mangaka Yawu. Yina vwandaka foti ya kulutilla nene yina yandi lendaka na kusala. Bayankaka ya yawu zolaka kuzwa ata fyoti ve. Ya kele ve, ya kele ve kima, kana ti beno kuzwa nsodolo yina.

²⁰⁸ Ntangu yayi beto landa yandi na nsodolo ya yandi salaka, mpe kumona wapi kisika ya twadisaka yandi. Ntangu yayi, beno me mona kisika yandi solaka. Ntangu yayi, beno tala, yandi vwandaka—yandi vwandaka bakala ya mvwama, yandi vwandaka bakala ya mumbungu, yandi vwandaka mfumu, mpe yandi vwandaka bakala ya musambidi. Nyonso yina!

²⁰⁹ Bubu yayi beto ke tuba, “Mwana-bakala, yandi kele Methodiste ya kieleka, to Baptiste, to Pentecotiste. Yandi—yandi kele muntu ya kieleka, kieleka mwana ya bakala ya mbote. Mbote!” Kima ve beno lenda tuba samu na yandi; bankundi ya munu, ya mbote, ya lutondo, mpe nyonso. Ata kima ve ya mvindu samu na yandi. Yandi vwandaka ve kunwa makaya, kunwa malafu, to vwandaka kima mbangu ve na bansaka mpe na makinu, mpe nyonso yina beto ke bokila yawu bubu yayi, mutindu beto ke longuka Muklisto. Kasi ya kele ntete ve Luzingu ya Seko! Ya kele ve yina beto ke na kuzonzila. Yandi zolaka vwanda ya kukwikama na dibuundu ya yandi, mu banza ti yina yandi vwandaka. Kasi, beno me mona, mpe wapi yawu twadisaka yandi? Na kuzabana ya nene. Beto tuba, kana yandi vwandaka mulongi, yandi zolaka vwanda. . . kuzwa dibuundu ya kulutilla mbote. Yandi zolaka vwanda surveillant general to évêque. Beno me mona? Ya ke twadisa beno na kuzabana, mpe ya ke twadisa yandi na bimvwama mpe na nkembo.

²¹⁰ Ya lendaka sala kima mutindu mosi bubu yayi, beno kele na talanta ya nene samu na kuyimba. Mu banzaka na ntwenya ya bakala yina ntama mingi ve yina yimbaka nkunga yina awa; mutindu yandi pesaka yawu na dyabulu, mpe ntangu yayi yandi vutulaka yawu. . . Mpe wapi mutindu luswaswanu kati-kati ya yandi na Elvis Presley mpe bayankaka ya bayayi. Pat Boone, mpe kimvuka ya mutindu yina, Ernie Ford, bantu yina, miyimbidi ya nene; mpe ke baka batalanta ya bawu, batalanta yina Nzambi pesaka, mpe ke sadila yawu samu na kutwadisa bisalu ya dyabulu. Ya kele kieleka. Bayimbi yayi ya nene yina ke tekisa batalanta ya bawu yina Nzambi pesaka bawu samu na kuzwa nkembo na yinza yayi, samu na kukuma muntu mosi.

Wapi mutindu beno lenda kuma mosi ya kulutila “muntu mosi” na yina beno lenda, kuvwanda muntu mosi, kulutila kuvwanda mwana ya Nzambi?

²¹¹ Mu ke kipe ve kana beno kele mosi mbanza ya muvimba, yinza ya muvimba, mpe beno me ndimaka ve lutwadusu ya Luzingu ya Kukonda nsuka na nzila ya Mpeve-Santu (Klisto), wapi mutindu beno ke . . . Nani beno kele, na mutindu nyonso? Beno kele muntu ya kufwa, ya kufwa na disumu mpe yimbi! Musambidi mutindu beno zola kuvwanda; ya kukwikama mutindu beno zola kuvwanda na dibuundu; mulongi, kana nge zola kuvwanda na chaire; kasi kumanga yayi, nge ke kufwa!

²¹² Yandi vwandaka lunungu ya nene. Yandi vwandaka lunungu ya nene awa na luzingu yayi. Ya kieleka. Beto ke mona yandi kisika beto ke bakula . . . Na manima beto ke mona muntu yayi, ti yandi kwendaka . . . Beto ke landa yandi mwa fyoti, mpe beto ke mona ti yandi me kuzwa lunungu ya nene. Mpe beto ke landa yandi na nzila ya Biblia. Beto ke bakula ti yandi—yandi . . . Beto ke mona yandi bakala ya mvwama. Yandi kele na bisika ya nene mingi, yandi vwanda kuyamba zuzi mpe mfumu ya mbanza, to nyonso yankaka yina. Yandi kele na zulu ya muludi ya yandi, mpe yandi ke na mukembo ya nene; mpe ya kifuluka ya bana ya bakento ya bisadi, mpe bakento, bana-bakento, mpe nyonso yankaka, na ziunga ya yandi. Mpe ya kele na mulombi mosi ya kulala kuna na mwelo, na nkumbu ya Lazare. Yandi ke kombola bitini ya mampa na yandi. Beto zaba disolo. Kima yina ke landa, yandi ke landila na kununga, kaka mutindu mabuundu bubu yayi ke na kukuma.

²¹³ Muntu ya mumbongo yina kele ya kuvwanda awa, yandi tubaka na munu, “Kaka awa na Californie, ti dibuundu fwana tuba na kimvuka ya bisadi yinki kusala.” Beno me mona, ya ke na kwiza dyaka dibuundu mpe luyalu. Ya kele kaka na zulu ya beno. Beno me mona, beno kele kaka na kati kuna, mpe beno ke baka kidimbu ya kibulu kukondwa kuzaba yawu ve.

²¹⁴ Kana beno me sumbaka mosi ya ba-bande ya munu, beno baka yayi, ntangu mu ke—ntangu mu ke vutuka na yinzo, *Nzila Ya Nioka*; mpe beno ke mona kisika ya kele, kumona kisika yayi me suka. Na kukwendaka na yinzo ntangu yayi samu na kuzonza, kana Mfumu zola. Ya kele pene ya bangunga yiya, na yawu mu lendaka ve kukanga yawu na mosi ya lukutakanu mutindu yayi. Mu fwana kwenda kuna kisika dibuundu ke vibidilaka munu kubanda ntama, na mvibudulu nionso. Beno tala. Kasi ntangu yayi beno lenda kuwa bande ntangu yankaka na yinzo ya beno.

²¹⁵ Beno tala yayi, ntangu yayi beto ke mona ti yandi vwandaka na lunungu ya nene. Na yina beto ke mona yandi na ntwala ti na manima yandi vwandaka kimvwama ya kulutila nene, tii kuna yandi tubaka, “Mu ke na mambu mingi!” Bakala, yandi salaka

muntu ya kisina ya kieleka ya kilumbu yayi. Yandi zolaka ve? “Ata mpe bibumbulu ya munu kele ya kufulukuka, yawu ke na kutiamuka. Mpe mu me kuzwa mingi tii mu me tuba, ‘Oh, moyo, baka kupema ya nge.’”

²¹⁶ Kasi, yina yandi salaka na mbandukulu, yandi mangaka lutwadusu ya Yesu Klisto. Dibuundu ya yandi, mayele ya yandi, malongi ya yandi, mpe nionso yina, twadisaka yandi na lunungu. Ba-Juif nionso vwandaka zola yandi. Yandi pesaka bawu, yandi sadisaka bawu, yandi lendaka sala *yayi, yina, to yankaka*. Kasi, beno me mona, yandi mangaka lutwadusu ya Yesu Klisto, Luzingu ya Kukonda nsuka. Mpe ti . . . Biblia ke tuba, Yandi tubaka, “Nge kilawu, na nkokila yayi ba me lomba moyo ya nge.”

²¹⁷ Mpe ntangu yayi beto ke mona yandi (kisika yina vwandaka landa) na difelo; yandi telemisaka meso ya yandi mpe monaka mulombi yina, yandi yina ti yandi basisaka na bala-bala, na ntulu ya Abraham. Wapi mutindu ya foti ya nene! Wapi mutindu ti mabuundu vwandaka—vwandaka—vwandaka mbote mingi na mutindu yina bawu vwandaka kwenda, kasi bawu vwandaka ve na Luzingu ya Kukonda nsuka.

²¹⁸ Mu ke bambuka moyo na dilongi mosi mu longaka awa ntama mingi ve, *Kiyungulu Ya Muntu Yina Ke banzaka*. Beno lendaka vwanaka na yawu. Mu vwanaka tambula, na kutambulaka na mfinda, mu vwanaka zomba mpadi (kubwa yayi) mpe mu talaka na yisi. Mpe, ya kieleka, mu lenda ve kubokila kompani ya makaya. Beno zaba yawu. Mpe ya vwanaka na pake ya tabaka mosi kuna. Mpe mu lutaka kaka na yawu, mu vwanaka sosa . . . na mfinda. Mpe mu monaka pake yina kuna na ntoto, mpe mu talaka dyaka na manima, ya tubaka, “Kiyungulu ya muntu yina ke banzaka, ntomo ya muntu yina ke kunwa makaya.” Mu bandaka kaka na kutambula na mfinda.

²¹⁹ Mpe Mpeve-Santu tubaka, “Baluka mpe lokota yawu.”

²²⁰ Mu niekaka mpe bakaka yawu, “Kiyungulu ya muntu yina ke banzaka, ntomo ya muntu yina ke kunwa makaya.” Mu banzaka, “Kompani mosi ya Amerika awa, ke na kutekisa lufwa na mutindu ya kubumbama, na bisi-ntoto ya bawu ya Amerika.” Kiyungulu ya muntu yina ke banzaka? Beno . . . Mpe ntomo ya kunwa makaya?

²²¹ Mu vwandaka na World Fair, na yul Bryan . . . Brynner, mpe bayankaka vwandaka kuna, ntangu yandi vwandaka kusala bakumeka yayi nionso. Mpe wapi mutindu yandi tulaka dikaya mosi mpe bendaka . . . kuna na zulu ya marbre mpe bakaka . . . Yandi kusunaka nicotine mpe tulaka yawu na zulu ya mukongo ya mpuku, mpuku ya mpembe, mpe na bilumbu sambwadi yandi vwandaka mingi ya kufulukuka na cancer ti yandi lendaka tambula ve. Mpe bawu tubaka, “Beno zaba, bawu ke tubaka ‘kiyungulu,’” yandi tubaka, “ya kele mayele ya yimbi, ke tekaka makaya ya kulutila mingi.”

222 Ya ke lomba nicotine mingi samu na kusepelisa dyabulu yina. Ya kieleka. Mpe ntangu beno ke baka tabaka mosi na kiyungulu, ya ke lomba pene ya ba-tabaka yiya samu na kubaka kisika ya yawu. Ya kele mayele ya yimbi samu na kutekisa beno ba tabaka mingi. Beno lenda kunwa tabaka ve kana beno me kuzwa goudron; mpe goudron, beno ke kuzwa cancer. Beno me mona mutindu ya kele? Mpe bantu ya kufwa meso ya ba-Américain, ke na kusosa kalumbu kubasika na yimpu kisika mosi, bawu ke kubwa samu na yawu. Beno lenda ve kuzwa yawu; ya kele lufwa, mu ke kipe ve wapi nzila beno ke kwenda, ya kele lufwa mutindu nyonso beno ke kwenda. “Kiyungulu ya muntu yina ke banzaka,” muntu yina ke banzaka ke kunwa tabaka ata fioti ve, ya kele kieleka, kana yandi kele na mabanza ata fioti ve.

223 Mbote, mu banzaka ti ya lenda kaka kufwanakana na mabuundu. Beno me mona? Mu banza, Nzambi kele na kiyungulu yina ke banzaka? Yinga.

224 Mpe konso dibuundu ke kuzwa kiyungulu. Ya kele kieleka. Ba ke yungula bayina ke kota, mpe bawu ba ke kotisa lufwa mingi dyaka.

225 Wapi mutindu beno lendaka sala dénomination na nzila ya Kiyungulu ya Nzambi? Wapi mutindu beno lendaka sala yawu? Wapi mutindu beno lendaka lutisa na nzila yina kento yina me zenga bansuki na nzila ya Kiyungulu yina? Beno tuba na munu. Wapi mutindu beno lenda lutisa na nzila yina kento yina ke lwataka ba-pantalon Kuna, ntangu “Ya kele busafu samu na yandi na kulwata lele ya bakala”? Beno me mona, Kiyungulu ya Nzambi ke kanga yandi kuna, Ya ke bika yandi kukota ve. (Kasi dibuundu kele na biyungulu ya bawu mosi.) Na yawu mu ke tuba ti ya kele na Kiyungulu ya muntu yina ke banzaka, ya kele Ndinga ya Nzambi, mpe Yawu ke pesaka ntomo ya muntu ya santu. Ya kele kieleka, muntu ya santu; muntu ya dibuundu ve, kasi ntomo ya muntu ya santu. Samu ti Yawu kele ya kuvedila, ya busantu, Ndinga ya Nzambi ya kukondwa kuvukisa! Ya kele na Kiyungulu ya muntu yina ke banzaka. Mpe mambele ya dibuundu, mu ke longisila beno na kusadila Yawu.

226 Samu ya ke kotisaka yinza, mpe mwa ndambu ya pati kuna yina kele lufwa. Mwa ndambu ya levire, mwa ndambu ya levire ke matisaka pati nionso. “Muntu nyonso yina ke katula Ndinga mosi na Yayi, to ke bwela ndinga mosi na Yawu, ba ke katula ndambu ya yandi na Buku ya Luzingu.”

227 Na disamba ya Eden, yinki salaka lufwa, mpe kiadi nyonso yayi, kukangama ya ntima nionso, mwa bébé nionso yina ke na kufwa, kukalata nionso na kati ya laka, konso kudila ya ambulance, lupitalu nionso, ndyamu nionso? Ya vwandaka samu ti Eve tulaka ntembe na Ndinga *mosi* (Yawu nyonso ve), yawu bebisaka kaka Yawu. Ntangu yayi, Nzambi tubaka, “Muntu,”

kuna, “yandi zolaka zitisa *konso* Ndinga ya Nzambi.” Ntangu yayi, ya kele ya ntete ya Biblia.

228 Na kati-kati ya Biblia, Yesu kwisaka, mpe Yandi tubaka, “Muntu ke zinga kaka na dimpa ve, kasi na Ndinga *nyonso* yina ke basika na yinwa ya Nzambi.” Kaka kitini ya Bawu ve, mosi na mosi.

229 Na nsuka ya Biblia, Apocalypse 22, Yesu pesaka kimbangi ya Yandi mosi. Luzayikisu ya—ya Biblia kele Yesu Klisto. Mpe Yandi tubaka, “Muntu *nyonso* yina ke katula Ndinga *mosi* awa, to ke bwela ndinga *mosi* na Yawu, ba ke katula ndambu ya yandi na Buku ya Luzingu.”

230 Ntangu yayi, beno ke luta na Kiyungulu ya muntu *yina* ke banzaka, beno ke kuzwa ntomo ya muntu ya santu ntangu beno ke basika na Kuna. Kieleka. Beno ke kuzwa ntomo ya santu.

231 Mpangi-kento, nge yina ke lwataka bilele yina, beno banza na yawu. Nge ke. . . Beno ke tuba, “Mu kele bangolo samu na bakala ya munu.” “Mu kele ngolo samu na kupesa mbote na nkundi ya munu ya bakala.” “Mu kele mwana-kento ya kikesa.” Kasi wapi mutindu samu na musumuki yina talaka beno? Ntangu yandi ke pesaka mvutu samu na pité, nani salaka yawu? Beno me mona, beno ke zaba dyambu. Beno me mona ya kele ya kusonama na kati ya Ndinga, na yawu ya kele. . . Beno me mona? Oh, beno vwanda kento yina ke banzaka. Beno vwanda dibanza yina ke banzaka. . .

232 Beno lendaka tuba, “Ya lendaka. . .” Mbote, yinki ke salama kana ya ke vwanda mutindu yina? Yandi tubaka mutindu yina, mpe Ndinga mosi lenda kubwa ve. Beno me mona?

233 Muntu ya nene tubaka na munu ntama mingi ve, yandi bokilaka munu na kati ya kivinga ya yandi, yandi tubaka, “Mu ke tentika maboko na zulu ya nge, Mpangi Branham. Nge ke na kubebisa ministele ya nge, na kulongaka bima ya mutindu yayi.”

234 Mu tubaka, “Konso ministère yina Ndinga ya Nzambi ke bebisa, fwana beba.” Beno me mona?

235 Yandi tubaka, “Mu ke tentika maboko na zulu ya nge.” Yandi tubaka, “Ba me tinda nge samu na bambevo.”

236 Mu tubaka, “Nge ke kwikila bima yina, mpangi ya bakala?”

Yandi tubaka, “Ve. Kasi ya kele ve dyambu ya beto.”

Mu tubaka, “Wapi dyambu ya kele, kuna?” Beno me mona?

“Mbote,” yandi tubaka, “yina kele dyambu ya pasteur.”

237 Mu tubaka, “Beni tala dibuundu.” Uh-huh. Ya kele kieleka. Beno me mona?

238 Konso mvula mu ke luta na kulonga bima yayi, mpe mu banza, “Ya kieleka ba ke bakula Yawu,” na mvula ke kwisa mu ke vutuka, ya kele na mingi kulutila yina me vwandaka ntete

ve. Beno me mona? Ya kieleka. Ya ke lakisa ti “Mingi kele ba bokilaka kasi ndambu kele yina ba soolaka.”

²³⁹ Lutwadusu kele Mpeve-Santu, nkundi. Ya ke twadisa beno mpe ke twadisa beno na Kieleka nionso, ntangu Yandi Mpeve-Santu ke kwisa. Ntangu yayi beno banza na yawu. Beno baka Kiyungulu ya muntu yina ke banzaka, yina kele Biblia. Credo ya beno ve, dibuundu ya beno ve; beno ke zimbana. Beno baka Kiyungulu ya muntu yina ke banzaka.

²⁴⁰ Ya kele kisika yina mwana-bakala yina banzaka ve. Yandi bakaka kiyungulu ya dibuundu. Yandi kumaka ya kuzabana, muntu ya nene, “Kasi na difelo yandi zangulaka meso ya yandi, na kuvwandaka na nkwasusu.”

²⁴¹ Ntangu yayi beno baka Kiyungulu ya muntu yina ke banzaka, Yesu Klisto, Ndinga, mpe beno ke zola ntomo ya muntu ya santu, samu ti Yawu ke sepelisa yawu. Kana beno kele na Mpeve-Santu na kati ya beno, Sepelisaka yawu.

²⁴² Kana Mpeve-Santu kele kuna ve, beno ke tuba, “Oh, mbote, mu banza ve ti ya zola kutuba luswaswanu mosi.” Beno tala yina beno salaka kaka kuna! Kima mutindu mosi Eve salaka. Beno ke vutuka kaka kuna na kisika mosi.

²⁴³ Ntangu yayi beto kwenda mwa ntama mingi. Ntangu yayi beto baka . . . beto bika muntu yina kuna, yina sadilaka ve Kiyungulu ya muntu yina ke banzaka. Yandi mangaka na kundima lutwadusu ya Yesu Klisto, samu na Luzingu ya Kukonda nsuka.

²⁴⁴ Ntangu yayi beto baka muntu yankaka ya mvwama, muntu mumbongo ya ntwenya, mfumu mosi na bweso mosi yina bakala yayi kuzwaka. Mpe kundima Yawu, yandi ndimaka lutwadusu ya Klisto. Ntangu yayi, ya kele na zole ya bawu na kati ya Biblia yina beto ke zonzila. Yandi yina beto ke mona ti yandi mangaka Yawu, ntangu yayi beto baka bakala yayi: muntu yankaka ya mvwama, muntu ya mumbongo ya ntwenya, mpe mfumu. Mpe yandi ndimaka Lutwadusu.

²⁴⁵ Masonuku ke tuba na beto samu na muntu yayi, kana beno zola kusonika yawu, na Hébreux 11:23 na 29.

. . . Moise, na lukwikilu, *mangaka ti ba bokila yandi mwana ya mwana ya Pharaon ya kento;*

Yandi soolaka na kutala mpasi bampasi ya Nzambi . . .

Yandi monaka ti nsoni ya Klisto vwandaka bimvwama ya nene mingi kulutula bimvwama nionso ya Egipte: . . .

²⁴⁶ Beno me mona, yandi ndimaka Luzingu ya Kukonda nsuka. Moise ndimaka ti nsoni ya Klisto vwandaka kimvwama ya kulutula nene na bimvwama nionso ya yinza kuzwaka. Moise ndimaka Yawu ya kulutula nene. Ntangu yayi, mvwama yayi salaka yawu ve.

247 Mpe Moise vwandaka mfumu ya mvwama, ya ntwenya, samu na kukuma Pharaon. Yandi vwandaka mwana ya Pharaon, mpe yandi vwandaka kilandi ya kiti ya kimfumu. Mpe yandi talaka na ngaanda yina lendaka salama ve, nkonga ya bantu vwandaka kubalula poto-poto, nkonga ya bampika. Kasi na lukwikilu yandi monaka nsilulu ya Nzambi, na nzila ya Ndinga, “Ti bantu ya yandi ke zinga na yinsi ya nzenza bamvula nkama yiya, kasi ba ke basisa bawu na diboko ya ngolo.” Mpe yandi ndimaka Yawu (alleluia) kimvwama ya kulutula nene na bimvwama nionso ya Egypte, samu ti yandi basikaka na Egypte na kuzabaka ve kisika yandi vwandaka kwenda. Klisto twadisaka yandi. Yandi kwendaka!

248 Mpe yandi vwandaka na makulu ya yandi na zulu ya kiti ya kimfumu, mpe yandi zolaka vwanda—vwandaka Pharaon yina vwandaka landa na Egypte. Kasi yandi talaka nsoni ya Klisto. Nsoni! Samu ba bokila yandi “muntu ya ngitukulu yina,” ba ke bokila yandi “fanatiki yina,” samu na kubaka kisika ya yandi na bantu ya bisalu ya poto-poto mpe bafanatiki; samu yandi monaka ti ngunga yango, yina Masonuku silaka na kulungisama, vwandaka kuna na ntangu yina.

249 Mpe O dibuundu, vumbuka na lufwa! Beno lenda ve kumona kima mutindu mosi na nkokila yayi? Ngunga yina ba silaka kele na zulu ya beto. Yandi monaka nsoni ya Yesu Klisto kimvwama ya kulutula nene na kubundana nionso; kana ya ke lomba tata mpe mama, dibuundu, nyonso yankaka. Beno landa lutwadusu ya Mpeve!

250 Beto landa Klisto yayi samu na mwa, Moise yayi, mwa ntangu fyoti, yina salaka yawu; beto tala mbote luzingu ya yandi. Kima ya ntefe, ntangu yandi ndimaka na kubaka nsoni ya Klisto mpe kulosa ndongosolo ya yandi, yambula ndwenga ya yandi nionso . . . Ba longaka yandi na ndwenga nionso ya ba-Egyptien. Mpe kuzabana ya yandi nyonso, kiti ya yandi ya kimfumu, bumesiya ya yandi, yimpu ya yandi, nyonso yandi vwandaka na yawu, yandi mangaka yawu!

251 Mpe muntu yankaka yayi zolaka yawu, mpe mangaka Klisto; mpe muntu yayi mangaka yawu, mpe ndimaka Klisto. Mpe na nswalu yinki kusalamaka? Yandi zolaka kukabuka yandi mosi.

252 Alleluia! Mpova zola kutuba “Lukumu na Nzambi ya beto!” Ya kele yimbi mingi ti beto ke zimbana yawu.

253 Yandi mangaka bakiti ya kimfumu mpe kuzabana. Yandi zolaka kuzwa bana ya bakento ya ntwenya na . . . bakento na nzila ya bankama, mpe yandi zolaka kuzwa ba-mulet na yisi ya . . . Na yina, Egypte ke yala yinza. Yinza vwandaka kaka ya kulala na makulu ya yandi, mpe yandi vwandaka kilandi ya konso kitini ya yawu. Kasi na kutalaka na Masonuku mpe na kumonaka kilumbu yina yandi vwandaka zinga, mpe zabaka ti

Kima mosi na kati ya yandi, Nkuna yina ya Nzambi yina ba soolaka na ntwala kwendaka sala!

²⁵⁴ Mu ke kipe ve wapi mutindu beno lendaka vwanda ya kuzabana, to wapi mutindu *yayi* beno lendaka vwanda, beno lendaka vwanda surveillant beno lendaka vwanda pasteur, beno lendaka vwanda *yayi*, *yina*, to *yankaka*, kasi kana Ndinga yina ya Luzingu ya Kukonda nsuka na nzila ya Ndinga ya Nzambi me kubika na kati ya beno, mpe beno ke mona kima yango na diboko, ya ke kwenda na kisalu, ke tambula mutindu *yina*. [Mpangi Branham me bula misapi ya yandi bambala mingi—Mu.] Beno banda na kubasika! Beno banda na kuzwa Yawu!

²⁵⁵ Mpe yandi mangaka na kubokila mwana ya bakala ya mwana ya kento ya Pharaon, samu ti yandi ndimaka nsoni ya Klisto kimvwama ya kulutila nene na bimvwama nyonso ya Egypte to ya yinza. Yandi ndimaka Yawu. Beno tala mbote yina yandi salaka, yandi landaka Yawu. Kuna, na nswalu yandi vwandaka ntama ya bantu ya yandi, bantu yina vwandaka zola yandi mbala mosi.

²⁵⁶ Ya lendaka lomba beno nyonso yina beno me kuzwa. Ya fwana lomba beno dibuta ya beno, Ya fwana lomba beno bunkundi ya beno, Ya fwana lomba ntangu yankaka kimvuka ya beno ya kutunga bilele, Ya fwana lomba beno kisika ya beno na Kiwanis. Ya fwana vwanda mutindu yina. Mu zaba ve yina Yawu fwan lomba beno, kasi Yawu fwana lomba nyonso yina kele yinza to yina kele ya yinza. Beno fwana kukabuka beno mosi na nyonso yina kele yinza. Beno fwana kusala yawu.

²⁵⁷ Moise tulaka bima nionso na lweka mpe kwendaka na ntoto ya kuyuma na nkawa na diboko ya yandi. Amen! Bilumbu na manima ya bilumbu lutaka. Mpe mu ke kukiyufula kana yandi me sala kifu? Ve.

²⁵⁸ Bambala mingi bantu ke bandaka, mpe bawu ke tubaka, “Oh, mu ke sala yawu. Nkembo na Nzambi, mu ke mona Yawu!” Ti muntu kuseka beno mpe kuseka beno, “Kukondwa ntembe ti mu vwandaka na foti.”

²⁵⁹ Yandi tubaka, “Bawu yina lenda ve kundima kitumbu kele bana ya makangu mpe bana ya Nzambi ve.” Beno me mona, ba ke na emotion. Beno me mona, nkuna yina mu vwandaka zonzila ntama mingi ve, moyo yina vwandaka kuna ve samu na kubanda. Ya vwandaka ya kupakula na Mpeve, mpe yandi salaka mitindu nyonso. Oh, beno, bawu . . . Ntangu mpeve ya beno me pakulama, beno lenda . . . Ya kele Mpeve-Santu ya kieleka, ya kisina, mpe beno lendaka vwanda kaka diabulu.

²⁶⁰ “Oh,” beno ke tuba, “Mpangi Branham!”

²⁶¹ Baprofete ya luvunu! Biblia ke tuba, “Na bilumbu ya nsuka ya ke vwanda na baprofete ya luvunu.” Yesu tubaka, “Baklisto ya luvunu ke telama.” Ya kele ve “Bayesu ya luvunu,” ntangu yayi, muntu ve ke telamaka kaka samu na yawu; kasi “baklisto

ya luvunu.” *Klisto* zola kutuba “bapakulami.” Bapakulami ya luvunu; ba kele ya kupakula, kasi ba kele ya luvunu na yisi ya yawu, mpe kusala bidimbu ya nene mpe mambu ya ngitukulu, kuzonza na bandinga, kubina na Kimpeve, kulonga Nsangu ya mbote.

²⁶² Judas Iscariot salaka yawu! Siméon . . . to ve, mu ke lomba beno . . . Caïphe pesaka profesi! Balaam, muntu ya luvunu! Kieleka, me sala bidimbu nyonso, nyonso, ba-mouvement nyonso ya misambidi.

²⁶³ Kasi, beno me mona, beno ke tula nkuna ya grateron mpe nkuna ya blé na mbeto mosi mpe ke mwangisa masa na zulu ya bawu mpe ke pakula bawu, bawu zole ke sepela. Bawu zole ke yela na yawu, masa mosi kaka. “Mwini ke lezimaka na zulu ya muntu ya kudedama mpe na muntu ya yimbi, mpe mvula ke kubwaka na zulu ya muntu ya kudedama mpe na muntu ya kudedama ve, kasi na bambuma ya bawu beno ke zaba bawu.” Wapi mutindu beno lenda vwanda na ndonga na Ndinga? Amen. Beno me mona yina mu zola kutuba? “Maza ke kubwaka na zulu ya muntu ya kudedama mpe na bantu ya kudedama ve,” ya kupakula.

²⁶⁴ Yesu tubaka, “Ba ke kwisa na Munu na kilumbu yina, ba ke tuba, ‘Mfumu! Mfumu! Mu basisaka bampeve ya yimbi ve? Mu pesaka profesi ve? Mu salaka ve bima ya nene na Nkumbu ya Nge?’” Yandi ke tuba, “Beno bisadi ya masumu ya nkú, beno kwenda ntama na Munu, Mu zaba beno ve. Beno kwenda na difelo ya seko yina ba kubikaka samu na dyabulu mpe bawanzio ya yandi.” Beno me mona? Wapi Ndinga! Ya luvunu. Beno sambila na mpamba, na mpamba. Samu na yinki beno ke sala yawu ntangu beno ke sala yawu ve? Samu na yinki kubaka kiyingilu ntangu Mazulu kele ya kifuluka na kisina? Beno me mona? Beno fwana ve kusala yawu.

²⁶⁵ Ntangu yayi beto ke mona ti Moise pakulaka, kima mosi ve lendaka vutula yandi. Bampangi ya yandi mosi mangaka yandi; yina telemisaka yandi ve. Yandi kwendaka mbala mosi na ntoto ya kuyuma. Mpe kilumbu mosi kuna, yandi kutanaka na Nzambi mbunzu na mbunzu, na Dikunzi ya Tiya ya kunamika na divunda. Yandi tubaka, “Moise, katula basapatu ya nge, ntoto ya nge me telema kele Santu. Samu ti mu me kuwa kudila ya bantu ya Munu, mpe mu me kuwa kudila ya bawu, mpe mu me bambuka moyo na nsilulu ya Munu ya Ndinga. Mpe mu ke kulumuka, mu ke tinda nge kuna samu na kubasisa bawu kuna.” Ya kieleka. Yandi kutanaka na Nzambi mbunzu na mbunzu, yandi zonzaka na Yandi. Ba tumaka yandi na Nzambi.

²⁶⁶ Nzambi me vutuka mbala mosi, Dikunzi ya Tiya yina mosi, mpe me siamisama ti profete yina vwandaka kaka kuna na zulu ya mongo; samu na kusiamisa ti ya vwandaka, ntangu Yandi bakaka maboko ya yandi mpe salaka mitindu nyonso ya bimangu

mpe nyonso. Oh, bawu kuzwaka bilanda-landa. Oh, kieleka. Ya vwandaka na Jambres na Jannes, telamaka kaka kuna, salaka kima mutindu mosi bawu salaka. Kasi nani vwandaka ya ntete? Beno me mona? Wapi kisika ya bandaka? Ya katukaka na Ndinga? Ya vwandaka ngunga?

²⁶⁷ Mpe beno zaba ti kima mosi yina ba silaka dyaka na bilumbu ya nsuka? “Mutindu Jambres na Jannes teleminaka Moise, mutindu mosi ke sala bantu yayi, ya dibanza ya kubeba samu na yina me tala Kieleka.” Beno me mona, na bilumbu ya nsuka. Mpe beno sala kima mutindu mosi, (ba ke mekula nyonso), ba ke landa kaka dibulu mosi, “Ngulu ke vutuka na poto-poto ya yandi, mpe yimbwa na bilusi ya yandi.”

²⁶⁸ Beno ba-Pentecotiste yina basikaka na ba-organisation ya bawu bamvula me luta mpe singaka bawu, batata ya beno mpe bamama ya beno; mpe beno me baluka mpe me sala kima mutindu mosi yina bawu salaka, mpe ntangu yayi kaka poto-poto mosi mpe me kuluka. Beno me mona? Kana ya me sala ti Dibuundu kuluka yawu na nsungi ya ntete ya Pantekote, ya ke sala Yandi kuluka dyaka yawu bubu yayi. Beno me mona? Ya fwana vwanda, ata ti, ya kele mpusu, fwana kwiza. Felele lenda vwanda ve yina kaka; mpusu fwana kwiza, beno me mona, munati. Ntangu yayi beto ke na kuzinga na bilumbu *ya nsuka*, beno tala mbote bima yina ba silaka samu na ngunga.

²⁶⁹ Beno tala mbote Moise yayi me siamisama. Beno zaba! Ntangu yandi basikaka kuna, mwa bampangi ya yandi mosi balukaka samu na kutelemina yandi, yandi zolaka kusala organisation. Bawu tubaka, “Nge ke sala mutindu nge kele muntu ya santu kaka na kati-kati ya beto.” “Dibuundu ya muvimba kele santu,” tubaka Koré, Dathan. “Beto soola babakala mpe beto sala kima mosi.”

²⁷⁰ Moise, yandi. . . Mu talaka yandi kyadi. Yandi kwendaka kuna, tubaka, “Mfumu. . .” Yandi kubwaka na ntuala ya autel mpe tubaka, “Mfumu!”

²⁷¹ Nzambi tubaka, “Kabwana na bawu. Mu me kuzwa mingi ya yawu.” Yandi zibulaka kaka ntoto mpe minaka bawu. Yimeni. Beno me mona, yandi zabaka lutumu ya yandi.

²⁷² Nzambi ke salaka ve na ba-organisation, Yandi ke salaka ve na bimvuka. Yandi ke salaka na bantu. Ya kieleka. Ntangu nyonso. Ve na bimvuka; na bantu mosi, na muntu mosi. Na bilumbu ya nsuka, Yandi tubaka, “Mu ke telama na kielo mpe ke konkota, mpe kana muntu mosi. . .” (ve “kimvuka mosi”) “. . . muntu nyonso ke kuwa Ndinga ya Munu, Mu ke. . . mpe ke kuwa Munu, Mu ke kwiza na yandi mpe ke dya.” Beno me mona, “Kana muntu lenda kuwa.”

²⁷³ Wapi mutindu—wapi mutindu microphone yayi lendaka basisa ndinga ya munu kuna kana ba me sala yawu ve? Mu lendaka nganina dibaya yayi, na ngolo ya munu nionso, mpe

ya ke sala kima mosi ve. Samu ti yayi kele ya kutumama, mpe yina ba salaka, ya kuvanga, microphone. Mpe kana Ndinga ya Nzambi kele na kati ya beno katuka na kusoola ya ntete ya Nzambi, na kati ya beno, “Mameme ya Munu ke kuwaka Ndinga ya Munu. Bawu zaba ngunga ya Munu. Nzenza bawu ke landa ve.” Beno me mona? Ya fwana vwanda ya ntete yina. “Bayina nyonso Tata pesaka Munu, bawu ke kwiza.” Mosi na mosi ya bawu, beno me mona.

²⁷⁴ Ntangu yayi yandi ke landila, na nsuka ya luzingu awa. Yandi me luta kaka . . . Beno tala ntangu yandi ke kuma na nsuka ya nzila.

²⁷⁵ Mpe beto ke sukisa ntangu yayi samu ti ntangu me luta, baminuti makumi zole na tanu tii ngunga kumi. Beno tala. Ntangu yayi, na yinzo ya kele na ntangu ya mbote. Pene ya ngunga zole to tatu beto ke banda na kutuba, “Beno tuba, ntangu me luta fioti.” Beno me mona? Beno me mona? Kasi ntangu yayi, mu me longa mpimpa mingi, mpimpa nyonso.

²⁷⁶ Paul longaka Nsangu ya mbote ya mutindu mosi na kilumbu ya yandi, mpe ntwenya ya bakala kubwaka na kibaka mpe kufwaka yandi mosi. Mpe Paul, na kupakulama yina mosi, na Nsangu ya mbote yina mosi, lalaka na zulu ya nzutu ya yandi, yandi vutukaka diaka na luzingu. Bawu vwandaka sepela. Dibuundu vwandaka ya kusala. Kima mosi vwandaka salama. Beno tala yina salamaka awa.

²⁷⁷ Moise, ntangu yandi kulumukaka . . .

²⁷⁸ Bakala yayi ya mvwama, ntangu yandi kumaka kuna, to, mfumu ya ntwenya beto zonzilaka, misambidi nyonso, mpe vwandaka ya dibuundu mpe nyonso, ya mbote, ya kulongoka, muntu ya mumbungu ya mbote, mpe nyonso, ntangu yandi kumaka na nsuka ya nzila, yandi bandaka na kuboka, “Ya kele ve na kisika ya kutambula!” Wapi kisika kele lutwadusu ya yandi? Ba twadisaka yandi na dibuundu ya yandi, yina kele ya kufwa. Ba twadisaka yandi na yinza ya kufwa, mpe ya vwandaka ve na kima mosi samu na yandi na kukota kasi yina yinza kubikaka samu na yawu: difelo.

²⁷⁹ Kasi awa kwisaka Moise, kisadi ya kukwikama yina ndimaka kiadi ya Klisto kimvwama ya kulutila nene na bimvwama nionso ya Egypte. Yandi kumaka na nsuka ya nzila, kiboba ya bakala, ya bamvula nkama mosi na makumi zole. Yandi mataka na zulu ya mongo, mpe yandi zabaka ti lufwa vwandaka na ntwala ya yandi, mpe yandi talaka kuna na yinsi ya nsilulu. Mpe yandi talaka; ya vwandaka kuna na lweka ya yandi, ya vwandaka na Ntwadisi ya yandi, Ditadi. Yandi mataka na zulu ya Ditadi, mpe Bawanzio ya Nzambi nataka yandi na Nkembo—Nkembo ya Nzambi, na ntulu ya Nzambi. Samu na yinki? Bamvula bankama nana na ntwala, yandi vwandaka kaka ya kutwadisa na Ntwadisi ya yandi.

²⁸⁰ Beto ke mona yandi kuna na Mongo ya Nsobolo, ya kutelama kuna na Elie, na kuzonzaka na Yesu ntete Yandi kwenda na kulunsi, bamvula bankama nana na manima ya lufwa. Yandi yina yandi ndimaka, nsoni ya ministele ya ministele ya yandi, bimvwama ya kulutila nene na kuzabana ya yinza mpe mbongo nyonso ya yinza, Ntwadisi ya yandi vwandaka twadisa dyaka yandi. Oh, la la! Yandi twadisamaka! Ntwadisi ya Yandi, Yandi twadisaka lufwa, bivudi ya lufwa. Yandi twadisamaka na ntoni. Bankama ya bamvula na ntuala, yandi telemaka diaka samu, mutindu buntwenya ya yandi, yandi soolaka lutwadusu ya Mpeve-Santu. Nkumbu ya yandi ke vwanda nene ntangu ya ke vwanda diaka ve na Egypte to bimvwama. Ntangu pyamide kele putulu, mpe ntangu Egypte kele diaka ve Egypte, Moise ke vwanda muntu yina ke kufwaka ve na kati-kati ya bantu samu yandi ndimaka lutwadusu ya Klisto na kisika ya kukwenda mutindu dibuundu ya yandi kwendaka.

²⁸¹ Ya kele na bayankaka yina salaka kima mutindu mosi. Beno tala Enoch. Yandi tambulaka na Nzambi bamvula nkama tanu, mpe na manima yandi kuzwaka kimbangi ti “Yandi sepelisaka Nzambi.” Nzambi siamisaka yawu, mpe tubaka, “Ya kele ve na nsatu ya beno yina ke na kufwa, beno kwiza kaka na Yinzo na manima ya midi yayi.” Mpe yandi me mata.

²⁸² Mpe Élie. Na manima ya kuboka na zulu ya bakento ya bansuki ya kuzenga mpe nyonso yina, mutindu yandi salaka na kilumbu ya yandi, Ba-Jézabel na mukubu na zulu ya bawu, na manima yandi me fuluka mingi na yawu, mpe—mpe me sala nyonso yina yandi lendaka sala, mpe banganga-nzambi nyonso yayi vwandaka seka yandi, mpe nyonso yankaka, yandi kwendaka kuna na nzadi kilumbu mosi. Mpe kaka na lweka yankaka ya nzadi vwandaka bampunda kwendaka na divunda kuna, pusu ya tiya mpe bampunda ya tiya. Yandi me mata mbala mosi, mpe me losa robe ya yandi na profete yina ke landa na kulanda yandi, mpe me mata na Mazulu. Yandi ndimaka lutwadusu ya Luzingu ya Kukonda nsuka, samu ya vwandaka Klisto yina vwandaka na kati ya Elie. Oh! Yinga, tata!

²⁸³ Yinki ya vwandaka? “Beno landa Munu!” Ntangu yayi beno fwana sola ntwadisi *ya beno*. Beno fwana sola yawu, bankundi. Beno tala na kitala-tala ya Nzambi, Biblia, mpe beno mona kisika beno kele na nkokila yayi.

²⁸⁴ Mwa disolo mosi. Mwana mosi ya fioti, yina vwandaka zinga na kati ya yinsi. Yandi me monaka ata fioti ve kitala-tala, mpe yandi kwisaka na mbanza samu na kutala mpangi ya mama ya yandi ya kento. Mpe yandi vwandaka na yinzo. . . mpe bayinzo ya mutindu ya ntama vwanda vwandaka na kitala-tala na kielo; Mu zaba ve kana beno ke bambuka moyo na yawu to ve. Kasi mwana-bakala yayi ya fioti, yandi me monaka ata fioti ve kitala-tala. Na yina yandi ke bula na yinzo, mpe yandi talaka na. . . “Huh?” Yandi talaka mwana-bakala yina ya fioti. Mpe yandi

ningisaka, mpe mwana-bakala yina ya fioti ningisaka. Mpe yandi bendaka dikutu ya yandi, mpe mwana-bakala yayi ya ntwenia bendaka dikutu ya yandi. Mpe mutindu yina. Yandi landilaka na kutambula, pene-pene, mpe yandi balukaka mpe tubaka, “Mama! Ya kele munu!” Ya kele munu.

²⁸⁵ Wapi mutindu *beno* ke talana? Yinki *beno* ke na kulandaka? Yinki beto me sala? Beno fwana sola *ntwadisi* ya beno. Beno soola bubu yayi. Beno soola Luzingu to lufwa. Nsodolo ya beno ke talisa kisika ya beno ya nsuka ya Seko, yina beno ke soola. Beno bambuka moyo, Yesu tubaka, “Landa Munu.” Mpe ba me bokila nge na nkokila yayi na kusala mutindu yina. Mpe kulanda Yandi na Luzingu ya Kukonda nsuka beno fwana kwisa na misiku ya Yandi, ya kieleka, Ndinga. Ve na zulu ya credo, ve na zulu ya dibanza ya bantu nyonso, ve na zulu ya yina muntu yankaka ke banzaka samu na Yawu, kasi na yina Nzambi tubaka samu na Yawu.

²⁸⁶ Beno ke tuba, “Mbote, Mpangi Branham, mu zaba kento kaka mbote mutindu yandi lenda vwanda, yandi ke salaka *yayi*. Mu zaba muntu yina lutaka na *yayi*.”

²⁸⁷ Mu lenda ve kusadisa yina bawu salaka. Ndinga ya Nzambi, Yandi tubaka, “Bika ti konso ndinga ya muntu kuvwanda luvunu, mpe ya Munu kuvwanda Kieleka.” Beno fwana kwisa na misiku ya Yandi, samu na kukwisa na bakondisio ya Yandi, Ndinga. Beno lenda kwiza ve na nzila ya credo. Beno lenda ve kukwiza na nzila ya dénomination. Beno lenda ve kuvukisa Yawu mutindu yina. Ya kele kaka na kima mosi yina beno lenda sala: kundima Yawu na mutindu ya Yandi, ti beno zola kufwa beno mosi mpe mabanza ya beno nyonso, mpe kulanda Yandi. “Beno katula bima nyonso ya yinza, mpe beno landa Munu.”

²⁸⁸ Mu zaba ti ya kele Nsangu ya ngolo, ya ngolo, mpangi. Kasi mu kwizaka ve awa mpe solaka nsangu na bantu samu na kumeka na kusala bawu kuyimba, kuyangalala, kuboka. Mu vwandaka na balukutakanu ya mimpani kisika bawu salaka kima mutindu mosi. Mu ke sepela na luzingu ya beno. Mu kele kisadi ya Nzambi yina fwana pesa mvutu na Nzambi kilumbu mosi, mpe ministere yina Mfumu pesaka munu me siamisa yawu mosi mafunda ya bambala na ntwala ya beno.

²⁸⁹ Beno bambuka moyo, Yesu tubaka, “Beno landa Munu. Beno landa Munu. Beno katula yina kele na beno, mpe beno landa Munu.” Mpe ya kele mutindu mosi kaka ya kuzwa Luzingu ya Kukondwa. Ya kele nkisi mosi kaka yina Yandi pesaka muntu yayi, vwandaka nkisi mosi kaka yina Yandi pesaka muntu yayi ya mumbongo, ya kele nkisi mosi kaka yina Yandi ke pesaka muntu nyonso. Nsodolo ya Yandi, Yandi ke baka lukanu ya Yandi, ya kele ya kulunga konso ntangu. Mpe beto fwana landa *Yandi*, ya kele nzila mosi kaka ya kuzwa Luzingu ya Seko. Na

yawu lutwadusu ya Nzambi kele: kulanda Ndinga ya kusiamisa ya ngunga na nzila ya Mpeve-Santu.

Beto kulumusa bayintu ya beto.

²⁹⁰ Mu ke yufula beno kiuvu mosi, mpe mu zola ti beno vwanda ya kieleka. Mu zola mpangi ya kento kubula yayi samu na munu, *Mu Lenda Kuwa Mvulusi Ya Munu Ke Na Kubokila*. Mu zaba ti ya kele mbokolo ya autel ya ntangu ya ntama. Mpe mpangi-bakala, mpangi-kento, mutindu beto ke mona, beno tala kaka yina ke salama bubu yayi. Ntangu yayi na bayintu ya beno ya kukulumusa, beno banza kaka minuti, beno tala yina ke na kusalamaka.

²⁹¹ Beno me tanga zulunale sabala me luta yina muntu yina na Angleterre tubaka? Ti “Kukomama na kulunsi ya Yesu Klisto vwandaka kaka mutindu ya mbote, ba yidikaka yawu kaka na kati-kati ya Pilate mpe Yandi.”

²⁹² Beno me mona yina muntu ya théologie ya Amerika tubaka? Yandi tubaka ti “Yesu vwandaka kaka ya kulala na nzila mandragore.” Mingi ya beno ba-théologien zaba, kuna na Genève kisika wapi ba ke zonzila dititi yayi ya yimbi ya mandragore. Ya ke tula beno na kulala mutindu beno kele ya kufwa, ntima ya beno ke bula bilumbu zole to tatu na ntangu mosi. “Mpe ntangu bawu pesaka Yandi vinu ya ndudi mpe ndudi,” bawu tubaka, “yina vwandaka dititi ya yimbi ya mandragore. Mpe bawu tulaka Yandi kuna na ntoni, mpe Yandi lalaka kuna bilumbu tatu. Mpe, ya kieleka, ntangu ba mataka kuna, ba monaka Yandi ke tambula.” Beno lenda banza yawu? Ba-théologien, ba-seminere, lukwikilu ya kati-kati. Na yina wapi mutindu na yinza . . . Na kisika ya ntete, Biblia ke tuba ti Yandi mangaka yawu, ntangu bawu tulaka masa ya ndudi mpe masa ya ndulungandu na yinwa ya Yandi.

²⁹³ Mpe kima yankaka, kana ya kele mutindu yina, na yina samu na yinki bilandi yango “bayina kwizaka mpe yibaka Yandi,” samu na yinki bawu pesaka luzingu ya bawu na bambangi samu na Yandi? Mpe bawu kubwaka, bawu zole vwandaka ve ya kulunga na kufwa mutindu Yandi kufwaka; ba tulaka bawu yintu na ntoto mpe na lweka na zulu ya bakulunsi mpe bima mutindu yayi. Mpe kana bawu vwandaka . . . zabaka ti Yandi vwandaka muntu ya luvunu mpe bantu yina vwandaka bantu ya luvunu, wapi mutindu bawu zolaka pesa luzingu ya bawu samu na Yandi mutindu yina?

²⁹⁴ Oh, beno me mona, ya kele kilumbu yayi ya mayela yina beto ke na kuzingila. Ndongosolo, civilisation, mpe mutindu ya bilumbu yayi ya kilumbu, kele nionso ya diabulu. “Civilisation ya dyabulu?” Yinga, tata! Biblia me tuba ti ya kele. Civilisation yayi kele na lufwa. “Beto ke kuzwa civilisation ya mutindu yayi na yinza yankaka?” Ve, tata! Beto ke kuzwa civilisation ya mutindu yankaka. Ndongosolo, bima nyonso yayi, ya kele ya

dyabulu; science ke na kubebisa bima ya yinza, na kusalaka kima yankaka.

²⁹⁵ Beno tala yina ba me sala na beno ntangu yayi. Ntangu bamama ya bantwenia. . . *Reader's Digest* tubaka, sabala na manima. . . ngonda na ntwala ya ngonda me luta, mu banza ti ya vwandaka. *Reader's Digest* tubaka ti “Bantwenya ya babakala mpe bakento ya ntwenya ke luta na nsungi ya kati-kati, bakento na menopause na bamvula makumi zole na tanu mpe makumi zole na tanu.” Nsungi mosi diaka, ba ke vwanda kima mosi ve kasi. . . Ya ke vwanda kiadi na kutala. Beno me mona? Yinki bivangu ke vwanda, ya kulemba, na poto-poto. Beno tala—beno tala mpeve, beno tala mutindu mpeve na kati ya dibuundu me kuzwa, ba me vukisa, ba me vutula ngwisani na yinza. Oh, wapi ngunga! Beno tina, bana! Beno tina! Beno tina na Kulunsi! Beno kwiza na Klisto, ti Yandi twadisa beno.

²⁹⁶ Na yina beto kele na bayintu ya beto ya kukulumusa, meso ya beto ya kukangama, mpe lemvo beno kulumusa ntima ya beno, na ntangu mosi. Beno zola? Mu zola kuyufula beno kiuvu mosi. Beno ke tala kieleka beno mosi, na Nzambi? Mpe beno ke kuwa ti beno kele ve kisika beno—beno fwana vwanda na ngunga yayi? Samu ti Enlevement ke salama na ntangu mosi. Beno me mona, ya ke kwiza.

²⁹⁷ Ya ke vwanda kaka, kana—kana diambu yina mu me sala na mwa ntangu fioti me luta ya kele kieleka, ya ke vwanda kaka na bantu pene ya nkama tanu na Enlevement, yina ke zinga, bawu ke soba. Na yina, na kubakaka nyonso ya Klisto kintwadi, Katolika mpe nyonso, ya kele kaka na bankama tanu ya mafuku ya bantu, beno me mona, yina ke tubaka Buklisto. Mpe mosi na kati ya difuku mosi, ke vwanda bankama tanu ya bantu. Ya kele na bantu mingi yina ke kondwa konso kilumbu, na yinza ya movimba, ti beto lenda ve kutanga samu na bawu. Beno me mona, ya ke kwiza, mpe beno ke zaba yawu ve. Bantu ke landila na kulonga, mpe ke tuba. . . Beno me mona, mpe ya ke luta nyonso.

²⁹⁸ Mutindu Yesu tubaka. Bawu tubaka, bilandi tubaka, “Samu na yinki kutuba misoniki-misiku, ke tuba, ‘Elie fwana kwiza ntete?’”

²⁹⁹ Yandi tubaka, “Yandi me kwiza yimeni mpe nge zabaka yandi ve, kasi bawu salaka na yandi yina bawu tubaka ti bawu ke sala.”

³⁰⁰ Beno zaba ti beno kele ve ya kusungama na Nzambi, mpe ti beno ke zola ti ba bambuka beno moyo na. . . na Nzambi, ti Nzambi ke tula ntima ya beno na Nzambi. Beno zola kaka na kukikulumusa nyonso ntangu yayi, na ntangu yayi dyaka, beno telemisa maboko ya beno? Mu ke kipe ve nani beno kele, beno zola kusala yawu? Beno ke tuba, “Mu ke telemisa maboko ya

munu na Nzambi.” Nzambi sakumuna nge. Nzambi sakumuna nge.

³⁰¹ Beno ke tala na Kitala-tala? Mu ke lomba beno na Nkumbu ya Klisto, beno ke tala na Kitala-tala ya Nzambi?

[Mpangi mosi ya bakala ke na kuzonza na bandinga. Mpangi mosi ya bakala ke na kutendula—Mu.] Amen.

³⁰² Mu zola kuyufula kima mosi. Bantu yikwa na kati awa kele ba-Pentecotiste? Beno telemisa maboko ya beno, kele ba-Pentecotiste. Na kutala mosi na mosi ya beno. Ntangu yayi, bantu yikwa na kati awa ke tubaka ti kele Baklisto? Beno telemisa maboko ya beno, ata kisika beno kele, beno tuba ti beno kele Muklisto. Beno zaba ti Biblia zonzaka na yayi, ti yayi ke salama?

³⁰³ Ata mpe yayi salamaka na Ngwisani ya Ntama ntangu bawu vwandaka kukiufula yinki bawu zolaka sala, wapi mutindu bawu zolaka kwenda ntama ya kuyala yina vwandaka kwiza. Mpeve kubwaka na zulu ya muntu mpe yandi pesaka profesi mpe tubaka na bawu kisika ya kukutana na mbeni, mpe wapi mutindu, yinki ya kununga mbeni. Yina vwandaka Ngwisani ya Ntama, mutindu mosi ya Malu-malu.

³⁰⁴ Ntangu yayi, bayankaka ya beno lendaka tuba, “Bakala yina, oh, yina vwandaka ve mutindu yina.” Kasi yinki kana ya kele mutindu yina? Beno ke tuba, “Oh, mu kuwaka yawu ntete.” Kasi yinki kana yayi kele mutindu yina? Beno me mona, yina ke lakisa kuna ti na kati awa ya kele na mingi yina kele na nsatu ya kusoba ya ntima, kana ya kele Mpeve-Santu yina ke na kuzonza. Ya kele na bima yina kele na nsatu ya kusala, na yawu ntangu yayi ya kele na beno.

Kaka mutindu mu kele, kukondwa kima mosi
ve,

Kasi Menga ya Nge yina basikaka samu na
munu,

Mpe ndinga ya Nge . . .

Ya kele yina, Yandi me bokila beno ntangu yayi.

. . . na Nge,

O Mwana-dimeme ya Nzambi, . . .

“Mu ke katula ntima yina ya ngolo, mpe ke tula ntima ya nsuni na kati ya yawu, yina ke pesama na Munu.” Beno me mona?

. . . kwiza!

Kaka mutindu mu kele, Nge ke kuzwa,

Nge ke . . .

Beno ke sala nsodolo ya beno na nkokila yayi? Beno lenda sala mosi to beno zola.

. . . sukula.

Beno ke tuba, “Mu me kuwa yawu ntete.” Kasi yayi lendaka vwanda ntangu ya beno *ya nsuka* samu na kuwa Yawu.

Samu ti nsilulu ya Nge mu ke kwikila,

Mbokolo ya autel ya mutindu ya ntama, bawu kele na ngaanda ya mutindu ya bubu yayi, kasi Nzambi ke na kulandila na kati ya bawu. Beno lenda ve kuwa Yawu kutambula na zulu ya beno, dibuundu?

. . . Mu me kwiza!

³⁰⁵ [Mpangi Branham ke na kuyimba na kati ya yinwa *Kaka Mutindu Mu Kele*—Mu.] Oh, beno banza, bubu yayi, bantima me kuma ya kukangama, ya kufuluka na yinza, yina ke kipaka diambu ve, bamambele ya dibuundu, mwa-tiya, mutindu mvwama yina, ntwenya ya mfumu; mpe zaba ve ti Mpeve-Santu ya nene kele ya kutelama, ke na kukonkota na kielo na Nsungu yayi ya Laodicée. “Yandi yina ke kuwa Ndinga ya Munu (Ndinga), ke zibula ntima ya yandi, Mu ke kota na yandi mpe ke dya na yandi.”

³⁰⁶ Mpe Mpeve vwandaka zonza na nzila ya mpangi ya bakala yayi baminuti fyoti me luta, tubaka, “Mu ke katula ntima ya nge ya ditadi, mpe mu ke pesa nge ntima ya nsuni, ya lembami na ntwala ya Nzambi.” Beno tala mutindu ya me kuma ntangu yayi, kaka emotion, ya mayela. Beno me mona? Ve ntima ya lembami ya kufuluka na zola mpe lembami na ntwala ya Klisto.

³⁰⁷ Beno zola ve mutindu ya ntima yina? Wapi mutindu beno ke kutana Klisto na dibanza ya mayela ya Yandi? Beno fwana kundima Luzingu ya Seko.

. . . basikaka . . .

Kuyilama me salama na nzila ya Menga.

Mpe ndinga ya Nge . . .

Yinki Yandi salaka? Yandi basisaka Menga ya Yandi. Mpe ntangu yayi ke bokila beno, “Kwiza.”

. . . na Nge,

O Mwana-dimeme ya Nzambi, mu me kwiza!

Mu me kwiza!

³⁰⁸ Beto, konso Muklisto, beto telemisa kaka maboko ya beto na malembe ntangu yayi mpe beto sambila.

³⁰⁹ O Nzambi, lemvo ya nge, Mfumu, kanga kilumbu yayi beto ke na kuzinga. Oh, ya kele mpasi mingi, Tata. Satana me sala mingi na bantu. Bantima ya bawu me kuma matadi. Mpeve ya Nge ke zonza mbala mosi; Ndinga ya Nge ke kwiza na ntwala, ke pesa kimbangi; kasi nzingulu ya mutindu ya ntama, ya kubutuka mbala zole, bawu kele. . . ya me kuma dibanza ya denomination, ya kulonguka, mingi ya miziki, mingi ya makelele, mpe mingi ya kuzatuka. Kasi, kieleka, ntima yango

ya nsuni, Mpeve yango, Luzingu yango ya Seko, Kieleka ya me kuma nzenza na dibuundu.

³¹⁰ Nzambi, ya ke pasula ntima ya munu mosi, mpe munu musumuki yina me kuzwa mpulusu na lemvo ya Nge. Ya ke sala munu mpasi mingi, Tata, na kumona dibuundu yina Nge kufwaka, dibuundu yina Nge ke na kumeka na kuvulusa. Mu banza na vision Nge pesaka kaka na dibuundu yina ya Etats-Unis mpe ya bayinsi yankaka. Wapi mutindu ya kima ya boma ya rock-and-roll ya vwandaka. Kasi kisika mosi kuna mu monaka nkwezulu ya mosi yankaka, ya kusakumuna.

³¹¹ Mu ke sambila, Tata, ti kana mosi ya bayina kele awa na nokila yayi yina kele ya kutumama na Luzingu, to ke zola kundima Yawu, ti yayi ke vwanda ngunga yina bawu ke sala yawu. Pesa yawu, Mfumu. Buka ntima ya matadi ntangu yayi, ntima ya ntama ya yinza. Mpe kana bawu zola ngemba, bawu zola kima yina ke sepelisa, kima yina ke pesa kivuvu, ti bawu ndima lutwadusu ya Klisto na nokila yayi samu na kutwadisa bawu na Ngemba yina ke luta lubakusu nionso, Kiese yina ba lendaka ve kuzonzila mpe ya kifuluka na nkembo, to kima yina lufwa yawu mosi lenda sala mpasi ve. Pesa yawu, Tata.

³¹² Ntangu yayi, na maboko ya beto na zulu, mu ke kukiyufula kana... Bantu yikwa na kati ya yinzo yayi ke tuba ntangu yayi, "Mu ke telama." Ntangu yayi, mu ke kipe ve nani kele ya kuvwanda pene-pene ya beno; Ya kele Nzambi ke na kuzonzaka na beno. Mpe kieleka beno zola kuvwanda Muklisto ya kieleka. Beno me mona? Nyonso ke... Kana ti ya kele bilanda-landa; oh, mu ke zola kaka kubasika mpe kuvwanda na yinza. Mu ke kwikila ti nge ke sala yawu, mpe.

³¹³ Ntangu yayi, beno fyongonina kaka beno mosi na nzila ya Ndinga, na nzila ya Nsangu. Beno fyongonina yina Muklisto ya kieleka zolaka vwanda: ya ngolo, ya zola, ata mosi ya Buklisto ya bilumbu yayi. Oh, ya kele ya pete-pete, ya kubendama, ndambu ya kufwa, ya kupola, ya kuvukisa. Beno me mona, ya kele ve Buklisto ya kieleka; kuzinga mutindu nyonso, mpe kuvwanda ya dibuundu. Beno zola ve kubundana yango ya lembami na Klisto, Mpeve-Santu, ti beno kele... muvusu ya ntima ya beno mosi na Ndinga, beno kwenda mbala mosi na Klisto? Kana beno zola yawu, mpe beno ke zola ti Nzambi kumona kutelama ya beno na nokila yayi kaka na kati ya nkonga ya bantu yayi, kana beno ke sala kaka yawu.

³¹⁴ Beno ke tuba, "Yina zola kutuba kima mosi, Mpangi Branham?"

³¹⁵ Oh, yinga. Kieleka, ya ke salaka. "Kana beno kele na nsoni ya Munu na ntuala ya bantu, Mu ke vwanda na nsoni ya beno na ntuala ya Tata ya Munu mpe Bawanzio ya santu. Kasi yandi yina ke funguna Munu mpe ke telama samu na Munu na yinsi

yayi, Mu ke baka kisika ya yandi na Yinsi yina. Mu ke funguna yandi na ntwala ya Tata ya Munu.”

³¹⁶ Ntangu yayi, ata nani beno kele, kento, bakala, mwana ya bakala, mwana ya kento, muntu nyonso yina beno kele, Muklisto to Muklisto ve, longi, diacre, nionso yina beno kele, kana beno ke kwikila kaka na ntima ya beno ya muvimba, na mwa ntangu fioti, mpe kusala yayi mingi na nkokila yayi kaka samu na kubika Nzambi kuzaba ti beno kele ya kieleka. “Nzambi . . .”

³¹⁷ “Ntangu yayi beno tala, mu kele muntu ya Pantekote,” beno ke tuba. “Mu kele *yayi*,” to nyonso yina beno kele. “Mu ke tuba na kubina na Kimpeve. Kasi, Mpangi Branham, mu banzaka ntangu nyonso yina beto vwandaka na yawu, beto vwandaka na Yawu.” Beno ve.

³¹⁸ Kana beno ke kwikila ti mu kele profete ya Nzambi, beno kuwa Bandinga ya munu. Beno me mona? Ya kele luvunu na kilumbu yayi. Biblia ke tuba ve, “Ya ke vwanda ya kubelama mingi ti ya ke vuna *Basolami* kana ya lendaka salama?” Musolami, “nzila nyonso na moyo.”

³¹⁹ Kasi kana beno binaka na Kimpeve, dyaka na bima ya yinza, ya kele na kima mosi ke tambula mbote ve. Kana beno zonza na bandinga; Paul tubaka, “Mu lenda zonza na bandinga ya muntu mpe ya bawanzio, mpe dyaka kuzwa mpulusu ve.” Uh-huh, mitindu nyonso zole, beno me mona. “Mu lenda sala ba-émotion nyonso, mu lenda kuzwa lukwikilu, mu lenda longa Nsangu ya mbote, Mu lenda pesa bimvwama ya munu nyonso samu na kudikisa bamputu, mu lenda nata Ndinga na bilanga ya kumwangisa nsangu na lweka ya . . . mpe dyaka mu kele kima mosi ve.” Beno me mona? Ya kele Kati ya kati, mpangi. Ti . . . Mpeve ya beno ke basika ntangu beno ke kufwa, ya ke pumbuka kwa yandi, kasi moyo ya beno ke zinga. Beno me mona?

³²⁰ Ntangu yayi beno tala beno mosi. Kieleka, beno kele Muklisto ya kieleka ya Biblia, ya kifuluka na zola ya Nzambi? Beno ke bambuka moyo, Biblia ke tuba, na bilumbu ya nsuka ntangu ntangu yayi ke salama, Yandi tubaka, “Wanzio ya bidimbu lutaka na mabuundu, yandi lutaka na bambanza, mpe tulaka kidimbu *kaka* na bayina me pema mpe me dila samu na busafu yina kusalamaka na mbanza.” Ya kele kieleka? Ezéchiel 9, beto zaba ti ya kele Kieleka. Wanzio ya kupema me belama mpe me tula Kidimbu na zulu ya yintu ya bawu, mbunzu, me tula bawu kidimbu, “Bayina vwandaka nionga mpe vwandaka boka.”

³²¹ Na manima ya yina me kwiza bawanzio ya kufwa na bansongi yiya ya ntoto, yina ke kwisa ntama mingi ve, beto ke mona ti ya kele na nzila, bamvita ke na kuyilama yina ke kufwa nionso yina kele na zulu ya ntoto. Ya vwandaka ve na kima yina bawu lendaka simba ve kasi bayina vwandaka na Kidimbu.

322 Ntangu yayi beno baka . . . Ntima ya beno kele na dyambu na yina me tala misumuki, mpe mutindu dibuundu mpe bantu ke na kusalaka, tii beno ke nyonga mpe ke boka samu na yawu kilumbu mpe mpimpa? Kana ve mutindu yina, mu ke kukiyufula. Ya kele Masonuku.

323 Beno zola kaka kutelama mpe kutuba, “Nzambi ya luzolo, mu me telema ve samu Mpangi Branham me tuba mutindu yina, kasi mu kuwaka Ndinga ya Yandi kutuba *yayi*, mpe mu ke sala *yayi*. Na Nge, Mfumu, mu me telama. Mu kele na nsatu, Mfumu. Nge zola pesa nsatu ya munu na nkokila yayi awa na kisika yayi? Mu me telama.” Nzambi sakumuna nge. Nzambi sakumuna nge. “Mu kele na nsatu, mu zola ti Nge vwanda na kyadi na zulu ya munu.” Nzambi sakumuna nge. “Mu zola kuvwanda Muklisto ya mutindu yina . . .”

324 Ntangu yayi, beno bambuka moyo, muntu yina kele ya kutelama pene-pene ya beno kele kima mosi beno kele. Mu zola ti beno tanda diboko mpe beno simba bawu na diboko, beno tuba, “Mpangi-bakala, mpangi-kento, sambila samu na munu ntangu yayi. Mu zola ti nge sambila samu na munu. Mu—mu . . .” Beno tuba kaka yawu na kusungama nyonso ya Buklisto, “Sambila samu na munu. Mu ke . . . Mu—mu—mu zola kuvwanda ya kusungama na Nzambi. Beno sambila samu na munu, mu ke sambila ti Nzambi pesa beno bweso.”

325 Mu—mu zaba ti beto kele . . . Beto lenda vwanda dyaka awa ve; beno me mona yawu. Beto kele—beto kele na ntangu ya nsuka. Bayina nionso ke kwikilaka yawu, beno tuba, “Amen.” [Dibuundu me tuba, “Amen!”—Mu.] Beto kele . . . Kima mosi ve me bikana. Bima nionso me kwenda. Mabuundu ke na kukwenda na kimvuka ya Oeucuménisme. Yinza, yawu . . .

326 Beno tala awa! Beno zaba yina Mfumu me tuba samu na Los Angeles mpe bisika yayi awa? “Yandi me kwenda!” Beno ke bambuka moyo na yina mu tubaka na beno, pene ya bamvula zole me luta, wapi mutindu kuningana ya ntoto ke kwiza na Canada awa, na Alaska? Mu ke tuba na beno ti “Hollywood mpe Los Angeles ke kota na mubu. Californie, ba me fundisa nge! Kaka Californie ve; kasi beno, yinza, ba me fundisa beno! Dibuundu, kana ti beno vwanda ya kusungama na Nzambi, ba me fundisa beno!” MUTINDU ME TUBA MPEVE-SANTU!

327 Beno me kuwaka munu ntete kusadila Nkumbu yango kana ti ya salama ve? Beno kukiyufula beno mosi! Beno me zaba munu bamvula makumi zole. Mu me tubaka na beno ntete kima mosi na Nkumbu ya Mfumu kasi yina me salamaka ve? Kana nyonso yina mu me tubaka na beno ti ke salama, kusalamaka, kutuba “Amen.” [Dibuundu me tuba, “Amen!”—Mu.] Beno me mona? Mu ke tuba na beno, ntangu yayi ngunga yawu yayi, kulutula mbote beno vwanda ya kusungama, beto nionso.

Ntangu yayi ti mosi na mosi kusambila samu na yankaka:

³²⁸ Nzambi ya luzolo, na yina beto me telama awa na nkokila yayi, bantu yina ke kufwa, bizizi ya beto me baluka na ntoto, na putulu. Beto kaka . . . Nge me pesa beto dilongi yayi ya kuzenga, Mfumu. Beto ke mona mbandu ya bantu zole. Mosi ya bawu, na kuvwandaka musambidi, kwendaka na dibuundu kasi mangaka lutwadusu ya Luzingu ya Kukonda nsuka. Mpe yina yankaka mangaka nkembo ya yinza mpe me *baluka* na Luzingu ya Kukonda nsuka. Mpe beto ke mona mitindu ya bawu zole na nkokila yayi, landila Biblia: muntu ya bimvwama kele na kati ya nkwasumu, mpe Moise kele na Nkembo.

³²⁹ Tata, beto zola kuvwanda mutindu Moise. Beto zola twadisama na Mwana ya Nge ya Santu, Yesu Klisto, samu na Luzingu ya Kukonda nsuka. Pesa Yawu na bantima ya beto na nkokila yayi, Mfumu. Katula ntima ya ntama ya mpasi; kisika na kati ya beto ntima ya malu-malu, ntima ya nsuni, ntima yina Nge lendaka tuba mpe kusadila, mpe beto ke vwanda ve na lunangu to ya kuswaswana. Bika ti Mpeve-Santu kukwenda ata fioti ve, Mfumu. Bika Yawu kwisa mpe tuma bantu yayi. Tuba na bawu; katula baluzolo ya bawu ya matadi, mpe tula na kati ya yawu luzolo ya Nzambi. Vulusa muntu nionso, Tata. Pesa beto zola ya Nge. Nata beto na kisika mosi, Mfumu, ti beto ke katukila kitini nyonso ya émotion, na kitini ya kieleka ya kuwa . . . kisika ya ntima, mudindu ya Mpeve, bimvwama ya Nzambi, Kimfumu ya Mpeve na kati ya bantima ya beto. Pesa yawu, O Ntwadisi ya Nene, Mpeve-Santu ya nene, na ntwala Nge kwenda na mazulu na Dibundu ya Nge.

³³⁰ O Nzambi, bika mu kwenda, Mfumu. Kubika munu ve na manima, Yesu. Bika mu kwenda na Nge, Tata. Mu zola ve kuvwanda awa na zulu ya ntoto yayi samu na kutala bampasi yayi ya nene yayi kukwiza. Mu ke zola ve kuvwanda awa na kati ya bulawu yayi. Mu ke zola ve kutelama awa ntangu ba ke bumbama meso . . . bantu ke zimbisa mabanza ya bawu. Beto ke tala muntu ke meka na kusala mutindu bibulu mpe ke talana mutindu bibulu; mpe bakento vwandaka meka na kutalana mutindu bibulu, na kupakula na kizizi ya bawu. Na kuzabaka ti bima yayi ba zabisaka na ntwala ke salama, ti kima yango ke salama, ti ba ke kuma na bulawu mingi ti bampasu ke basika na bamsuki mutindu bakento samu na kukwamisa bakento; mpe meno mutindu bankosi, mpe bima yina Nge me tuba, mutindu ya bantu ke kwenda kimakulu. Beto ke mona yawu na mutindu ya mbote ntangu yayi, Mfumu. Sadisa beto! Vutula beto na dibanza ya kieleka ya Klisto Yesu Mfumu ya beto.

³³¹ O Ntwadisi ya nene ya Luzingu ya Kukonda nsuka, beto ke ndima nsilulu ya Nge na nkokila yayi, Tata. Mu ke lomba samu na bantu yayi. Mu ke lomba mosi na mosi ya bawu, na Nkumbu ya Yesu Klisto, Mfumu. Mu ke sambila ti Klisto Mwana ya Nzambi ke kwiza na bantima ya beto nyonso, Mfumu, mpe yidika beto mpe sala beto na bivangu ya malu-malu na Yesu

Klisto. Pesa yawu, Mfumu Nzambi.

³³² Beto zola Nge. Mpe beto zola mitindu ya balukanu ya beto. . . nsobolo ya beto na kukwiza na kati ya beto, ti beto lenda vwanda bana ya Nge, kutala Mpeve ya Nge kusala na kati ya bantima ya beto, Mfumu, na kulengulaka beto mpe na kunata beto na kuzaba nsungi yayi ya bulawu yina beto ke kuzinga. Pesa yawu, Nzambi. Ntangu beto ke mona bakento ya bantwenia kumata mingi na kati ya beto ya diabulu, babakala ya bantwenia, ya mabanza ya kubeba, bana, ya kupesama mingi, na kunwa makaya, kunwa malafu, kukondwa bumuntu, Eden ya Satana.

³³³ Nzambi, ya bakaka Nge bamvula mafunda sambanu, landila Biblia, samu na kutunga Eden. Mpe Nge ke tula mwana ya Nge ya bakala mpe kento ya yandi na kati kuna (kento ya yandi ya makwela), samu na kuyala na zulu ya yawu. Mpe Satana me kwiza mpe me bebisa yawu; yandi me kuzwa mafunda sambanu ya bamvula, mpe yandi me tunga Eden ya yandi mosi ya mayela na nzila ya science, mpe ndongosolo, mpe mayele mingi yina ba ke bokilaka, mpe yandi me tunga yawu na kati ya poto-poto ya lufwa.

³³⁴ O Nzambi, vutula beto dyaka na Eden, Mfumu, kisika lufwa kele ve, kisika mawa kele ve. Pesa yawu, Mfumu. Beto ke telama ya kulemvuka, na kuvingilaka Adam ya zole yina ke kwiza samu na Kento ya Yandi ya makwela. Sala beto kitini ya Yandi, Tata. Beto ke sambila na Nkumbu ya Yesu. Amen.

³³⁵ Beno zola Nzambi? Beno lenda kuwa. . . Beno zaba yina mu ke na kumeka na kutuba na beno? Kana beno lenda bakula, beno telemisa kaka maboko ya beno, beno tuba, “Mu me bakula yina beno ke na kumeka na kutuba.” Beno lenda mona bulawu ya nsungi yayi? Beno tala mutindu ya me kwenda, ya kele dyaka ve na bikuma na kati-kati ya bantu. Ya me kwenda! Wapi kisika kele ya beto. . . ? Ata bantwadisi.

³³⁶ Beno tala Ntwadisi ya yinsi ya beto! “Kana bawu zola Communisme, beno bika bawu kuzwa yawu. Ya lenda vwanda nionso yina bantu ke zola, beno bika bawu kuzwa yawu.” Wapi kisika kele ya beto Patrick ya Henryville, ya beto George Washington? Wapi kisika kele bantwadisi ya beto yina lenda telama samu na musiku mosi? Beto kele dyaka ve na bawu.

³³⁷ Wapi kisika kele mabuundu ya beto, milongi ya beto? Ba ke kotisa bantu, na kubakaka bawu kaka na kumeka, ba ke kota na dibuundu mpe ke sala *yayi* to ke kuzwa mwa sensation mosi to kima mosi. Wapi kisika kele bantu yango ya Nzambi, baprofete yango yina ke telama mpe ke lenda ve na mvindu, ke sala ntembe na bima nyonso ya yinza?

³³⁸ Wapi kisika kele bantu yango ya kusungama? Wapi kisika bawu kele? Bawu kele mingi pete, mpe na nzila ya mabanza mpe nyonso, tii bawu kele dyaka ve awa. O Nzambi, tala beto kyadi.

³³⁹ Bima yayi ya boma yina ke na kwiza na zulu ya ntoto. Beno lenda mona mutindu bantu ke na kukotaka kaka na kati ya yawu. Ya kele bulawu. Kasi ntangu kima yina ke bula, Dibuundu ke kwenda.

³⁴⁰ Nzambi, beto vwanda kuna. Ya kele kisambu ya munu na Moyo ya nene ya Mazulu yina kele na kati ya yinzo yayi na nkokila yayi, Klisto ya nene yina kele dyaka na Luzingu ya Kukonda nsuka. Mu ke sambila Nge, Klisto, mutindu mu kele awa na meso ya munu ya kuzibuka, na kotalaka na dibuundu ti Nge me vulusa na Menga ya Nge. Nzambi, kubika ve mosi ya beto kuzimbana. Beto zola kuvwanda ya kusungama na Nge. Na yawu sukula beto, O, Mfumu, na masumu ya beto nyonso ya nkú. Katula masumu ya beto mpe nyonso.

³⁴¹ Beto me mona Nge ke belusa bambevo ya beto, mpe ke vumbula bamvumbi ya beto (ke vutuka na luzingu na nzila ya kisambu), mpe beto monaka bima nyonso yayi kusalama, Tata. Ntangu yayi vutula *beto* na Luzingu, na kimpeve; vutula beto kieleka na tiya ya Luzingu ya Seko na nzila ya Klisto Yesu. Pesa yayi, Tata. Mu me pesa yawu nyonso na Nge. Na Nkumbu ya Yesu Klisto.


Tii beto ke kutana! tii beto ke kutana!
Tii beto ke kutana na makulu ya Yesu;
Tii beto ke kutana!

Beno tala na Yandi. Bika Yandi lembika beto.

. . . beto ke kutana!
Nzambi kuvwanda na beno tii beto ke kutana
diaka!

³⁴² Beno telemisa maboko ya beto ntangu yayi:

Tii beto ke kutana! tii beto ke kutana!

Mpangi Collyre, muntu nyonso yina ke na kulanda. [Muntu mosi me tuba, “Kima yankaka?”—Mu.] Ve. Nzambi sakumuna beno. 

65-1207 Lutwadusu
Covina Bowl
Covina, Californie U.S.A.

KIKONGO-KITUBA

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Luzabusu samu na kubasisa mikanda

Muswa nionso kele ya yandi. Muntu nionso lenda kubasisa buku yayi na masini ya yandi ya yinzo samu na yandi mosi, to kukabula yawu ya mpamba, mutindu kidadilu samu na kumwangisa Nsangu ya mbote ya Yesu Klisto. Ba lenda tekisa buku yayi ve, kubasisa yawu na lutangu ya kulutila mingi, kutula yawu na site internet, kubumbisa yawu na kibumbulu ya bansangu, kubangula yawu na bandinga yankaka, to kulomba mbongo kukondwa muswa yina me sonama na Voice Of God Recordings®.

Na yina me tadila bansangu ya kulutila mingi to samu na yina me tadila bisadulu, beno sonikila:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org